


MGA BUTANG NGA UMALABOT

 Kanimo Igsoong Boone ug sa kongregasyon, usa—usa gayud kini ka dakung prebilhiyo alang kanako nga mahibalik pag-usab dinhi sa San Bernardino. Daghang bililhon nga mga handumanan bahin sa nanglabay na nga mga adlaw ang ania niining dapita. Ug ang madungog kana, ang maong pagbisita dinhi, ug nga may nagpabilin pa sa gihapon nga impluwensya, aba, mabati mo gayud ang kalipay nga ang Ginoo ang nag-agak kanamo sa niining lugara, sa milabay nga mga katuigan.

² Naglingkod lang ako didto sa gawas sa may paradahan, taud-taud lang, naningkamot nga dumdumon kadtong usa sa mga higayon nga nahitabo. Aduna'y usa ka Mrs. Isaacson nga nahimong interpreter ko sa Finland, sa usa ka dakung buluhaton sa Finland, ug miduol siya sa auto sa dihang palarga na ako. Ug miingon siya, “Ang tingog nimo sa Finland.” Ug nahunahuna ko kung nagpuyo ba sa duol dinhi si Mrs. Isaacson. Wala ako nasayod. Wala man siguro siya dinhi karong gabhiona, sa pagtoo ko? Si Mrs. May Isaacson, ug taga-Finland siya.

³ Dayon ang usa pa ka mahinungdanon nga butang nga akong mahinumduman, kadtong usa ka gamay'ng waitres sa usa ka restawran nga akong gikaonan, kon diin nga duol sa, ginatawag nila nga Antlers Hotel. Nagtoo ako nga husto kana, gayud. Ug ang gamay'ng gining aduna'y . . . Kauban ko siya nga nagaampo. Aduna siya'y . . . Siya, buotan nga gamay'ng gining, apan dili pa siya Cristohanon. Gidapit ko siya ngadto sa panagtigum. Ug namatyan siya og usa ka masuso, ug sa pagtoo ko nga ang iyang bana, nagkabuwag sila. Ug nagaampo kami nga mahusay sila sa iyang bana, o magkauli sila, nga mahiusa. Busa, nahunahunaan ko lang kung ania ba ang kadtong gamay'ng gining. Kita n'yo? Ang . . .

⁴ Ug dayon ang dugang pa nga higayon nga nahitabo, mao kadtong usa ka masuso nga gidala gikan sa kung asa man, mga usa ka adlaw ang gibiyahe. Ug namatay na kini, ug gikugos kini sa mga bukton sa inahan. Ug giubhi pag-usab. Mao ba kana . . . Ania ba kadtong tawo karon? Ug gikan kini, sa pagtoo ko, sa estado nga anaa *niining* direksyon, haduol sa, dapit sa ibabaw dinhi. Ug nagbuntag sa biyahe ang gamay'ng inahan, ug ang amahan, ug nagalingkod didto ang maong gamay'ng inahan, nga masulob-on, kugos kadtong iyang gamay, nga patay na nga masuso. Ug nahunahuna ko, “Grabe gayud nga pagtoo!” Kung ako man ang nahimong kinadak-an nga tigpakaaron-ingnon dinhi sa kalibutan, dawaton sa gihapon sa Dios ang pagtoo sa maong inahan.

Ginakugos ko ang maong gamay'ng bata, ingon *niana*, nga nagaampo. Nanginit kini, nga misugod na sa paglihok, gibuka ang gagmay'ng mga mata niini. Gitunol nako kini balik sa maong inahan. Busa, gikan pa sila sa kung asa man. Wala ako nagatoo nga Pentecostal sila, bisan pa man. Sila lamang. . . Nagtoo ko nga usa lang kung unsa mang iglesia kadto, nga gikan sa. . . Wala gani ako masayod kung mga Cristohanon ba sila, o dili. Wala ko na sila gipangutana. Nalipay lang gayud ako mahitungod sa maong gamay'ng bata nga nabuhi pag-usab.

Sukad niadto, Igsoong Boone, daghan na gayu'y nangahitabo. Apan nagapangalagad kita sa gihapon sa mao rang Dios Nga nagapabilin nga mao sa gihapon kagahapon, karon, ug hangtud sa kahangturan.

⁵ Sa bag-o ko lang nga pagtan-aw sa palibot, makita ko si Igsoong Leroy Kopp nga nagalingkod dinhi. Unang higayon ko kini nga makita siya sulod sa dugay na nga panahon. [Nagaingon ang usa ka igsoong lalaki, "Siya si Paul Kopp nga ania dinhi."—Ed.] Si Paul. Husto kana. Si Leroy ang imong amahan. Husto kana. ["Ug siya—atua siya sa Rusya, karong gabhiona, busa iampo siya."] Oh, sus! Rusya. Bueno, kana'y, nahibaloan ko, sa kining maisog nga sundalo didto, atua siya didto para sa buluhaton sa Hari. ["Husto."] Busa, malipayon gayud ako nga nahianhi dinhi ug nga madungog kining batanong ministro nga nagasulti nga nadasig siya sa ministerio nga nagkaaduna kita niadtong dinhi pa kita. Ingon sa dakung kulbahinam kana kaayo!

Ug masaligon ako karon, nga, mahibaloan nato nga nagkaaduna kita. . . Nangtindog na ang mga tawo, ug dili na nato padugayon sa husto. Atong mahinumduman kadtong dagkung mga buluhaton sa pagpang-ayo.

⁶ Dayon, ang pagsabut ko nga aduna'y usa—usa—usa ka igsoong lalaki dinhi sa duol lang, kon asa man, nga nagapahigayon og dakung buluhaton sa pagpang-ayo, usa ka Igsoong Leroy Jenkins. Nagtoo ko nga husto kana. Ug busa mapasalamaton ako kaayo, nagalaum nga ginapanalanginan siya sa Ginoo ug nga ginahatagan siya og usa ka dako, dakung buluhaton. Kini'y. . .

Aba, mabati kong ikapasidungog ko, niining gabhiona, ang makaanhi sa ingon niining simbahan. Mas magaan sa kanunay ang gabation ko sa usa ka simbahan kaysa kung atua ako sa niadtong mga awditoryum. Dili man sa unsa nga supak sa awditoryum. Apan, kabalo na mo, ako. . . Mamahimo kini tingale nga usa ka tuotuo, o siguro ako. . . Daw sa matuod kini alang kanako. Kita n'yo? Sila. . . Nagasulod ka niadtong mga awditoryum kon diin nagkaaduna'y mga pagbugnoay, mga pagdumogay, panumaysamay nga mga pasundayag, tanan nang uban pa nga nagakahitabo didto, daw sa nagapabilin ang mga

dautang espiritu sa ingon nianang mga lugara. Karon, daw usa lang ka tuotuo kana, apan dili ingon niana kini. Apan kung mosulod ka sa usa ka simbahan, kamo...kasagaran, nga usa gayud ka espirituwal nga kongregasyon, kini daw sa, kana'y, inyong—mas mabati ninyo ang kagawasnon, nga daw sa aduna'y—aduna gyu'y butang. Nga anaa dinha ang Presensya sa Dios. Kabalo na mo, daw sa lahi gyud kini. Wala ko kabalo kung aduna ba'y epekto ang bilding, apan dinhi kon diin nanggitigum ang mga tawo. Siyempre, ang mao ra sa gihapon, nga mga tawo nga anaa sa ubang lugar, apan sa atua niadtong dautang mga lugar. Siguro ako lang ang naghunahuna nga ingon niana. Apan, bisan pa man, malipayon ako nga nakaanhi dinhi karong gabhiona.

⁷ Ug karon dili namo gustong ipabilin kamo nga madugay, tungod sa nanindog na ang mga mananambong. Ug mobalhin kita, ugma sa gabii, didto sa uban pang lugar dinhi. Wala pa ako kahibalo gani kung asa kini. Duol lang kini dinhi. [Nagaingon ang usa ka igsoon, “Sa Orange Show Auditorium.”—Ed.] Asa dapit? [“Orange Show Auditorium.”] Orange Show Auditorium, para sa atong mga panerbisyo ugma sa gabii. Akong... Kini tali sa, diha sa usa ka pagbiyahe nagawali ako alang sa—sa grupo sa mga negosyante sa Full Gospel Business Men. Nga, nagkaaduna ako og dakung prebilihio nga makawali sa tibuok kalibutan, alang kanila. Ug tungod dinha, usa ka suod kong higala ang nagdapit kanamo dinhi, ug malipayon kami nga maania sa maong panagitigum karong gabhiona.

⁸ Karon, sa dili pa nato ablihan ang Biblia... Karon, ang si kinsa man nga aduna'y kusog-pisikal ang sarang makaabli Niini sa ingon *niini* nga paagi. Kita n'yo? Apan gikinahanglan ang Balaang Espiritu nga mao'y moabli sa Pulong alang kanato, nga ablihan ang atong mga pagpanabot ug ipadayag ang mga Kasulatan. Nagatoo ako sa Biblia. Nagatoo ako nga Kini mao ang Pulong sa Dios. Ug nagatoo ako nga ang kalibutan, o ang mga tawo sa kalibutan, pagahukman sa umalabot nga adlaw pinaagi niining Pulong. Karon, daw sa talagsaon kana. Karon, daghan ang nagkalahi sa nianang ideya.

⁹ Naistorya ko kaniadto ang usa ka madapigon kong suod nga higala, sa dili pa lang dugay, nga usa ka Katoliko. Ug ang ingon niya, “Pagahukman sa Dios ang kalibutan pinaagi sa iglesiang Katoliko.” Kung ingon man niana, hain man nga iglesia sa Katoliko? Kita n'yo? Busa, kung magahukom man Siya pinaagi sa Methodist, kung ingon niana unsa na lang ang Baptist? Kita n'yo? Kung magahukom man Siya pinaagi sa usa, maalaut naman kadtong usa. Busa, aduna gayud og dakung kalibog dinha.

Apan kinahanglan nga modangop gayud kita ngadto Niini, aron nga makita nato ang atong—ang matuod natong pahayag, ug nagaingon ang Biblia nga pagahukman sa Dios ang kalibutan

pinaagi kang Jesus Cristo. Ug Siya ang Pulong. San Juan 1, “Sa sinugdan mao ang Pulong, ug ang Pulong kauban sa Dios, ug ang Pulong mao ang Dios. Ug ang Pulong nahimong unod, ug nagpuyo ipon kanato.” Ug ang ingon sa Hebreohanon 13:8, “Siya ang mao sa gihapon kagahapon, karon, ug hangtud sa kahangturan.” Ug ginatooan ko kana nga mao gayud ang Kamatuoran. Karon, nagatoo ako nga sa . . .

¹⁰ Ang Dios, sa sinugdanan, ingon nga mao ang wala’y sinugdanan og katapusan nga Dios; Siya ang may sinugdanan og katapusan ug . . . o wala’y sinugdanan ug katapusan, diay. Kita ang aduna’y katapusan. Mas hilabihan ka halapad kaayo ang Iyang salabutan, ug kita, diha sa atong diyutay’ng salabutang may-kinutuban, dili sarang sabton ang Iyang halapad kaayong, wala’y sinugdanan og katapusan nga kaalam. Apan tungod niana, sa dihang nagasulti Siya og bisan unsa man, daw sa talagsaon kini kaayo alang kanato, ang madungog Siya nga ginasulti ang usa ka butang diha sa Kasulatan, apan kinahanglan nga mahitabo gayud kini. Nagatoo ako nga ang Iyang Pulong dili gayud mahanaw. Busa, nagatoo ako nga ang Dios, sa pagkasayod nga sa diyutay natong salabutang may-kinutuban dili nato mahimong hubaron ang Iyang—Iyang halapad kaayong salabutan, Siya ang nagahubad sa Iyang Kaugalingong Pulong. Wala Siya nagkinahanglan sa kang kinsa man nga maghuhubad. Siya mismo ang nagahubad sa Kaugalingon Niyang Pulong, pinaagi sa pagpanghimatuod niana nga Pulong sa kapanahonan Niini.

¹¹ Nagatoo ako nga, ang Dios, sa sinugdanan, nga si Noe mao ang Pulong niadtong adlaw, alang sa Iyang Mensahe.

Karon, ang sunod, human niadtong, miabot si Moses. Karon, dili mahimong dalhon ni Moises ang Pulong nga iya ni Noe. Dili siya mahimong mobuhat og usa ka barko ug ipalutaw kini didto sa Ehipto, didto sa Suba sa Nile, o paingon sa yutang gisaad, o uban pa. Dili moubra ang iyang mensahe sa mga adlaw ni Noe; kabahin kadto sa Pulong sa Dios nga gipanghimatud-an ni Moises ingon nga Kamatuoran.

Dili usab mahimo nga dala ni Jesus ang Pulong nga iya ni Moses. Ug ang . . . Dili usab mahimo ni Luther nga ipadayon ang pulong sa Katolikong iglesia. Si Wesley, dili niya mahimo nga ipadayon ang Pulong nga iya ni Luther. Ug ang Pentecostal, dili nila mahimong dalhon ang pang-Methodist nga Pulong. Sila . . . Kita n’yo?

Nagadaku ang Iglesia. Ang matag kapanahonan, nagahinan na dinhi sa Kasulatan. Mao nga, ang Dios, pinaagi sa Balaang Espiritu, ginapadayag ang Iyang Pulong, pinaagi sa pagpadayag Niini ug sa pagpanghimatuod Niini, Siya Mismo, ginapakita nga Iya Kini Mismong Pulong nga nagakatuman sa maong adlaw nga gikasaad Kini.

¹² Gisulti kana ni Jesus. Miingon Siya, “Kung dili kamo makatoo Kanako, toohi ang mga buhat nga Akong ginabuhay,” tungod kay nagapanghimatuod ang mga niini kung Kinsa Siya, kita n’yo, kung aduna lang unta’y nakaila sa Kasulatan.

Karon, miabot Siya sa pagkalahi gayud, nga talagsaon kaayo, nga dili Siya toohan sa mga tawo, tungod kay, “Siya, nga usa ka Tawo, nagpaka-Dios sa Iyang Kaugalingon.”

Busa, Siya ang Dios, sa porma. “Ang Dios diha kang Cristo, nagapasig-uli sa kalibutan ngadto sa Iyang Kaugalingon.”

“Ug wala’y tawo nga makabuhay niining mga buhat gawas lamang kon ang Dios anaa uban kaniya,” sama sa atong nahibaloan na nga giingon kana ni Nicodemo. Nga, gitooan kana sa Sanhedrin.

¹³ Karon, nakaila kita niana, nianang Pulong. Kung nakaila pa lang sila unta sa Pulong! Miingon Siya, “Kung nakaila pa kamo kang Moses, nakaila unta kamo Kanako, tungod kay si Moses nagsulat man mahitungod Kanako.” Ug gisusi nato. Kung gisusi lang nila unta balik sa Kasulatan, tan-awon kung unsa ba gayud ang angay’ng pagabuhaton sa Mesias, nan nailhan unta nila Siya pinaagi sa maong pagpamatuod, nga, “Ang Dios, pinaagi kang Cristo, nagapasig-uli sa kalibutan ngadto sa Iyang Kaugalingon,” ug nga ginatuman ang tanan nga mga saad mahitungod sa maong Mesias, nga pagabuhaton Niya. Gipanghimatud-an ni Jesus ang kadto nga Pulong, ginahimong buhi ang kadto nga Pulong alang niadtong adlaw.

¹⁴ Ug nagatoo ako nga mao ra sa gihapon nga butang ang atong gikinabuhian sa karon: Ang Dios nga nagapamatuod sa Iyang Pulong, pinaagi sa pagpanghimatuod sa Iyang giingon na nga Iyang pagabuhaton. Karon, nahibaloan nato nga kini na ang adlaw sa kaluwasan, kon diin nagapanawag na ang Dios sa mga tawo pahilayo sa kalibutan, gikan sa makasasala nga kinabuhi, ngadto sa usa ka kinabuhi nga pagpangalagad. Ug sa adlaw nga gibubo sa Dios ang Iyang Espiritu gikan sa Kahitas-an, mga dagkung ilhanan ug mga katingalahan ang maganunot sa maong ministerio sa niining panahona. Kini na ang . . . kon diin nga nagakahulog na ang bag-o ug kanhing ulan, sa dungan. Ug nasayod kita nga magkaaduna gayud og dagkung mga ilhanan ug mga katingalahan. Nga, sa kadaghanan sa dagkung mga denominasyon, ginasalikway Kini.

Apan mapasalamaton gayud ako sa niining mga abling pultahan nga nagkaaduna ako, aron makasulod ngadto, ug sa inspirasyon nga maihatag niini sa mga batan-ong kalalaken-an sama sa inyong pastor dinhi. Nga mao’y nakapaaghat kanila . . . Maingon nga patigulang na ako, ug nasayod nga inihap na lang ang akong mga adlaw, ug nasayod nga mahimo nang dalhon kining Mensahe sa niining mga batan-ong kalalaken-an ug padayon nga ipakaylap Kini hangtud sa Pag-abot na sa

Ginoo, kung dili pa man Siya moabot sa akong henerasyon. Nga, nagalaum ako nga makita Siya. Ako Siyang ginapaabot sa matag adlaw, nga nagabantay, ginaandam ang akong kaugalingon alang nianang taknaa.

¹⁵ Karon makigsulti kita sa maong Magsusulat sa dili pa kita magabasa sa Iyang Basahon, samtang atong iduko ang atong mga ulo.

Langitnong Amahan, mapasalamaton kami Kanimo, nga buhi kami niining kagabhion, aron mahibalik pa niining dakung siyudad. Ang maania dinhi niining talan-awon sa mga kabukiran, malantaw ang ibabaw ug makita ang niyebe, ug ang mga pagpamulak sa mga orange, sa managsamang higayon, daw sa unsa ka maanindot nga kalibutan ang gikahatag Mo nga igapuy-an namo! Ug kung giunsa nga makita namo nga gilamukat kini sa tawo ug—ug ang gibuhat sa niining kalibutan, nagapaulaw kini sa among kaugalingon, Amahan.

Ania kami, niining gabhiona, sa pagpaninguhang ikabahin ang among mga pagpaningkamot, sa pagpaninguha nga ipakita sa mga tawo kining dakung butang nga gibuhat sa Dios, ug nga mahibaloan nga aduna’y usa ka butang nga mas halangdon nga anaa sa luyo lamang niini. Hinaut nga mopaabot kami niana, niining kagabhion, Amahan, sa among pagdangop sa Imong Pulong ug sa pagbasa. Mahimo namo Kining basahon, Amahan, apan tugoti nga ipadayag Kini sa Balaang Espiritu nganhi kanamo pinaagi sa pagpadayag. Kay among ginapangayo kini sa Ngalan ni Jesus. Amen.

¹⁶ Karon, kamo nga gusto tingali magsulat, ug—ug nga basahon ang Kasulatan dungan sa ministro, sama—sama sa kasagaran nga ila Kining ginabasa. Ug ingon sa niana kini kanhi, niadtong ako’y . . . sa mga katuigan nga nanglabay, wala ko na kinahanglana nga isulat pa kadtong akong mga Kasulatan, ug uban pa. Apan nagkaedad na ako sukad kaniadto. Kita n’yo? Bag-o lang ako milagpas sa baynte singko, bag-ohay pa lang, baynte singko katuig na ang milabay. Mao nga, naghatag kini og usa ka gamay’ng kalainan. Apan ginapaningkamotan ko sa gihapon sa paghupot sa tanan nga nahibaloan ko nga buhaton diha sa Iyang Pulong, hangtud nga tawagon na Niya ako.

¹⁷ Karon, ablihan nato ang San Juan sa ika-14 nga kapitulo, sinati na nato kaayo nga Kasulatan nga gusto natong basahon niining gabhiona, aron sa pagkuha gikan Niini og kahulogan, kung itugot sa Ginoo. Halos tanan na ang nasayod niini. Mora og, sa makadaghan nang higayon, ginagamit kini sa mga tulumanon sa lubong. Kung aduna may panahon nga gusto kong mowali og usa ka tulumanon sa lubong, pagahimoon ko kini ngadto niining kalibutana. Tugoti nga mamatay kini ug nga matawo pag-usab. San Juan 14:1 hangtud sa 7, sa pagtoo ko, natimanan ko na dinhi.

Dili na kinahanglan magkaguol ang inyong mga kasingkasing: Kung tumoo kamo sa Dios, tumoo usab kamo kanako.

Sa balay sa akong Amahan anaay daghan nga puloy-anan: . . . dili pa unta, moingon unta Ako kaninyo. Ako moadto sa pag-andam ug dapit alang kaninyo.

. . .kung Ako makaadto na ug makaandam sa usa ka dapit alang kaninyo, moanhi Ako pag-usab, ug pagadawaton ko kamo nganhi uban kanako; aron nga diin gani Ako, atua usab kamo.

. . .Kung asa Ako moadto kamo manghibalo, ug hingbaloan ninyo ang dalan.

Si Tomas miingon kaniya, Ginoo, manghibalo kami. . .kung asa ikaw moadto; ug unsaon man namo sa pagkatultol sa dalan?

Si Jesus miingon kaniya, Ako mao ang dalan, ang kamatuoran, ug ang kinabuhi: wala'y tawo nga makaadto sa Amahan, kondili pinaagi kanako.

Kon nakaila pa kamo kanako, makaila usab unta kamo sa akong Amahan: ug sukad karon nakaila na kamo kaniya, ug nakakita na kaniya.

Hinaut nga igadugang sa Ginoo ang Iyang mga panalangin sa pagbasa sa Iyang Pulong. Ug mopahinungod kita Niini pag-usab, sa pipila ka higayon samtang nagapadayon kita, samtang nga gusto natong hisgotan ang usa ka gamay'ng tulong-anan sa Iglesia.

¹⁸ Kagabii, didto ako sa Yuma; Arizona, kon diin atua na karon ang akong pinuy-anan. Ako—akong. . . Sa ania pa ako dinhi nga wala pa ako nagpuyo sa Jeffersonville, Indiana. Karon gikan na ako sa Arizona, pinaagi sa usa ka panan-awon nga nagapaadto kanako didto, pipila na ka tuig ang nanglabay. Ug residente na kami didto karon. Wala pa ako'y unsa mang simbahan didto.

Si Igsoong Green, ang atong igsoon nga kauban nato dinhi, nagpatukod og usa ka tabernakulo kon diin ang. . .usa sa mga Assemblies of God, usa ka simbahan, pang-poblasyon nga katiguman. Nanggawas sila, ug sa pagtoo ko niuban silang tanan kang Igsoong Brock ug kang Igsoong Gilmore, gibiyaan kini nga simbahan nga abli. Ug si Igsoong Pearry Green, nga gikan—gikan sa Texas, mibalhin ug gi-okupar ang maong lugar, nga katambayayong nato. Malipayon kita sa pagkahibalo nga—nga giablihan pag-usab ni Igsoong Green kini nga simbahan nga kanhi nasarado na.

¹⁹ Ug kagabii, sa pagwali didto sa Yuma para sa Christian Business Men, naghigot ako mahitungod sa *Ang Pagsakgaw*. Karon, mahimong usa kana ka talagsaong hilisgotan aron hisgotan sa taliwala, sa usa—usa ka dakung salo-salo, apan halos

tanang nga atua didto mga Cristohanon. Ug ingon man gayud niana sa mga sama niining buluhaton, o sa—sa usa ka simbahan. Ang masulti ko lang karon, “Pila man kaninyo ang mga Cristohanon?” Mopataas gayud tingali ang tanang kamot. Usa ikaw ka Cristohanon. Ug busa, kung mga Cristohanon man kita, siguro kinahanglan nga angayan lang nga napahibalo na kitang daan. Dili na nato kinahanglan basta nalang tagnatagnaon kini. Napahibalo na gayud kita sa kon unsay atong mahimong kapaingnan.

²⁰ Ug gusto kong maghisgot bahin niana karong gabhiona. Ug ang hilisgotanan mao ang: *Mga Butang Nga Umalabot*. Ug karon, sa paghisgot kagabii sa *Ang Pagsakgaw*, busa karong gabhiona, gusto kong hisgotan ang mahitungod sa niining hilisgotanan, nga sa ingon ikadugtong ko kini sa Mensahe kagabii. Karon, magkaaduna gayu’y usa ka Pagsakgaw, nasayod kita niana. Kana’y mahitabo sa umalabot, sa umalabot pa lang.

²¹ Karon, nagahisgot si Jesus dinhi, mahitungod sa, miadto una Siya aron sa pag-andam sa usa ka dapit alang kanato. “Dili na kinahanglan magkaguol ang inyong mga kasingkasing.” Karon, nagapakigsulti Siya ngadto sa mga Judio. Miingon, “Karon, kung tumoo kamo sa Dios, tumoo usab kamo Kanako. Maingon nga mitoo kamo sa Dios, tuhi Ako, tungod kay Ako ang Anak sa Dios.” Kita n’yo? “Ug, ang Dios,” sa laing pagkasulti, “Ako ug ang Akong Amahan Usa ra. Ang Akong Amahan nagapuyo sulod Kanako. Ug ang makita ninyo nga ginabuhat, nga ginabuhat Ko, dili kini Ako. Kini mao ang Akong Amahan nga nagapuyo sulod Kanako. Siya ang nagapanghimo sa maong mga buhat.”

“Ang Dios diha kang Cristo, nagapasig-uli sa kalibutan ngadto sa Iyang Kaugalingon.”

²² Masayon lang alang niadtong mga Judio nga gikatudloan na, sulod sa daghan nang mga henerasyon, ang motoo nga aduna’y usa ka dakung Dios nga supernatural. Apan ang sa paghunahuna nga kana nga Dios mikanaug ug nga ginapadayag ang Iyang Kaugalingon pinaagi sa persona sa Iyang Anak, nga si Jesus Cristo, nga nagtabernakulo ang Dios sulod sa unod nga lawas, sobra ra kadto alang kanila nga—nga sabton.

Apan miingon Siya, “Karon, maingon nga mitoo kamo sa Dios, tumoo usab kamo Kanako. Kay sa balay sa Akong Amahan daghang puloy-anan, ug moadto una Ako aron sa pag-andam sa dapit alang kaninyo.” Ang kinabuhi niadtong ni Jesus nanghinapos na, dinhi sa yuta.

Napakita na Niya sa maong mga tawo, ug gipamatud-an ngadto kanila, nga Siya ang Jehovah nga nadayag sa unod, pinaagi sa dagkung mga ilhanan ug mga katingalahan, ug sa mga basihan sa Biblia nga Iyang gipangpahinungdan, mahitungod sa Iyang Kaugalingon. Ug gipamatud-an Niya nga Siya ang Dios, nga nadayag.

Karon miingon Siya, “Sa dihang makita na ninyo nga nagahinapos na ang Akong kinabuhi, nagahinapos kini alang sa usa ka katuyoan. Ug paadto na Ako, aron sa pag-andam sa usa ka dapit alang kaninyo; nga kung asa Ako, atua usab kamo.” Kung ingon-ana ginasultihan ni Jesus ang Iyang mga tinun-an nga kining kinabuhia wala nagatapos sa kamatayon.

²³ Karon, sa pag-ingon niini mao’y usa ka pan-lubong nga teksto. Hinumdumi, kita, nakahulat sa atong unahan mismo ang kamatayon, ug wala kita masayod kung aduna may pipila nga ania sa sulod niining bilding sa niining gabhiona nga dili na makagawas dinhi nga buhi, sa niining pisikal nga kinabuhi. Ingon niana kini ka wala’y kasiguradohan. Lima ka minuto gikan karon, mahimo nga kanang bata pa, himsog, nga mga batan-on pa sulod niining bilding mamahimong usa na ka minatay sa sulod sa lima ka minuto gikan karon. Tinuod kana. Ug usab, mamahimo kini, sulod sa lima ka minuto gikan karon, kita mapapa-Himaya na ang matag usa kanato. Dili na lang nato mahibaloan. Anaa lang kana sa mga kamot sa Dios. Nag-ingon si Jesus nga wala Siya masayod, Siya Mismo, kung kanus-a na kana nga takna mahitabo, apan, “Anaa lang kana sa mga kamot sa Amahan.”

²⁴ Karon, apan, Iyang ginaingnan sila niadto, nga, human sa kamatayon aduna’y kinabuhi. Tungod kay, “Ako moadto ug magaadto sa usa ka dapit,” nga, sa pagdawat kanila, ginapakita nga aduna’y, nagapakighisgot Siya ngadto kanila, nga aduna’y—aduna pa’y kinabuhi human matapos kining kinabuhia. Ug daw sa unsa ka kalipayan nga angay’ng mahatag kanatong tanan, ang mahibaloan nga, human matapos na kining kinabuhia, aduna usa ka kinabuhi, nga atong pagaadtoan. Ug samtang nga nagakatigulang ka, nagakahimo na kana nga usa ka realidad nganha kanimo. Sa diha nga sugod mo nang makita nga haduol nang nagakasalop ang mga adlaw sa imong kinabuhi, kung ingon niana nagasugod na kini, nagasugod ka na sa pagpangandam og maayo, nga nagapangandam na para nianang dakung panghitabo. Kini karon... Usa kini ka nagapadayon sa niining mao ra nga kinabuhi diha sa laing kalibutan, sa laing dapit.

²⁵ Giplano nang daan ang imong pagkahimugso dinhi. Sa akong pangangpas nagatoo kamo niana. Nasayod ang matag usa kaninyo nga giplano nang daan ang atong pagkahimugso. Nasayod ba mo nga ang inyong pagkaanhi dinhi wala gayud nagsugod sa usa ka himohimo lamang o usa lang ka hunahuna? Ang tanan-tanan giplano nang daan sa Dios, sa wala pa ang pagkatukod sa kalibutan, nga motungha kamo dinhi. Nasayod ang wala’y sinugdanan ug katapusan nga Dios. Ug aron—aron nga mahimong wala’y sinugdanan ug katapusan, kinahanglan nga nasayod Siya sa matag pulgas nga motungha pa lang sa kalibutan, ug sa kung makapila ka higayon nga mamilok

ang mata niini. Mao kana ang pagka-wala'y sinugdanan ug katapusan. Kita n'yo? Kamo, ang atong diyutay'ng—ang atong diyutay'ng mga salabutan, dili makatugkad kung unsa ang kahulogan sa *pagka-wala'y sinugdanan ug katapusan*. Ang wala'y sinugdanan ug katapusan nga Dios, nasayod gayud Siya sa tanan nga mga butang. Busa, wala gayu'y og unsa man nga wala sa kahan-ayan.

²⁶ Kung nakaila kita sa Pulong sa Dios, nasayod kita kung asa na kita nga nagkinabuhi. Nakaila kita sa panahon nga atong ginapuy-an. Nasayod kita kung unsa man ang anaa sa unahan. Makita nato kung unsa ang atong mga nangaagihan na. Ug ang Libro sa Dios mao ang pinadayag ni Jesus Cristo; Ang mga pagpamuhat Niya latas sa mga kapanahonan, nga hangtud diha sa Basahon sa Pinadayag, ug dayon kadtong mga saad Niya pagahatagan na og katumanan. Busa, ang tanan nga mga saad Niya tinuod. Dili makapahayag ang Dios og unsa mang Pulong nga dili Kini ginapamatud-an. Kinahanglan nga mahitabo ang matag Pulong nga ginaingon Niya. Sa wala pa ang pagkatukod sa kalibutan. . .

²⁷ Sayup ang pagpakahulogan sa ubang mga tawo sa Genesis, dinha, sa dihang miingon siya, “Ginabalik-balik sa Dios ang Iyang Kaugalingon.” Dili. Lamang, sayup ang pagkasabot ninyo. Kita n'yo?

Ang Dios, sa sinugdanan, nag-ingon Siya, “Motungha ang. Motungha ang. Motungha ang.” Pagka-ngitngit kaniadto ang kalibutan, nga wala'y porma. Bisan sa dihang miingon Siya, “Motungha ang kahayag,” nagkaaduna tingali og ginatus ka mga katuigan bag-o mitungha ang kahayag. Apan sa dihang gilitok Niya kini, kinahanglan nga mahitabo gayud kini. Kinahanglan ingon niana gayud kini. Kita n'yo? Ug gilitok Niya ang Iyang Pulong. Kadto nga mga binhi atua sa ilalum niadtong tubig. Sa dihang gipamala Niya ang kalibutan, dihadhiha minggitib ang mga binhi. Kung unsa man ang ginaingon Niya kinahanglan gayud nga mamahitabo.

²⁸ Nag-ingon Siya, pinaagi sa mga propeta. Gipahinungdan ko kini kagabii. Susama sa, hisgotan nato si Isaias, miingon siya, “Usa ka ulay ang magasamkon.” Kinsa man ang magdahum, sa usa ka lalaking ginatahod sa mga tawo, sa pagsulti og usa ka pulong nga ingon niana, “Usa ka ulay ang magasamkon”? Apan tungod sa iyang. . .

Ang usa ka propeta mao ang usa ka nagpaaninag sa Dios. Gihimo siya nga ingon niana aron dili niya igasugilon ang kaugalingong niyang mga pulong. Kinahanglan nga Pulong gayud sa Dios ang iyang ginasulti. Usa lang siya ka nagapaaninag, ug siya mao ang tigpamaba sa Dios.

Ug busa, tungod niana, nag-ingon siya, “Usa ka ulay ang magasamkon.” Tingali dili niya masabtan kadto, apan gisulti

kadto sa Dios pinaagi kaniya. Tungod kay, gisaad Niya nga, “Dili Siya magbuhat og bisan unsa man hangtud nga ipadayag Niya kini ngadto sa Iyang mga alagad ang mga propeta.” Dayon, sa dihang gisulti niya kadto, walo pa katuig kadto bag-o kadto nahitabo. Apan kinahanglan mahitabo gayud kadto.

Sa katapusan, kadto nga mga Pulong sa Dios miangkla sa tagoangkan sa usa ka ulay, ug nagsamkon siya ug gipakatawo ang Emmanuel. “Alang kanato ang usa—usa ka Bata natawo, alang kanato ang usa ka anak nga Lalaki gihatag. Ang Iyang Ngalan pagatawgon, ‘Ang Magtatambag,’ ‘Ang Dios nga makagagahum,’ ‘Ang Principe sa Pakigdait,’ ‘Ang Amahan nga wala’y katapusan.’” Kinahanglan nga ingon niana gayud nga paagi, tungod kay gisulti na kini sa Dios pinaagi sa baba sa Iyang mga propeta. Ug kinahanglan nga matuman ang tanan nga mga Pulong sa Dios.

Busa, nasayod kita nga miadto na si Jesus aron sa pag-andam sa usa ka dapit, aron sa pagdawat og usa ka katawhan ngadto sa Iyang Kaugalingon. Kung kinsa man kadto nga mga tawo, nagalaum ako sa niining gabhiona nga kabahin kita sa niadtong maong mga katawhan. Kung dili man, higala ko, nagtagana og usa ka pamaagi ang Dios, usa ka kahimtang, nga mahimong mahiuban ka diha kung gustohon mo. Anaa ka sa gawasnon nga pagbuot. Makabuhat ka sa unsa man nga paagi nga gusto mo. Apan himatikdi karon, sa niining panahona, sa niining kalibutan nga umalabot. Aduna gayu’y umalabot nga usa ka kalibutan.

²⁹ Sama lang sa pagkahimugso mo dinhi, ingon ko, nga inandam ka na daan. Nasayod ang Dios nga motungha ka dinhi.

Ug karon nasayod ka, nga bisan sa mga butang nga nabuhat sa imong mga ginikanan, karon, abi sa mga tawo nga dili kadto ang maong pagduaw sa matag henerasyon, apan mao gayud kadto.

³⁰ Diha sa Basahon sa Mga Hebreohanon, nagtoo ko, sa mga ika-7 nga kapitulo, nagasulti, si Pablo dinha, ang mga magsusulat, nagtoo ako nga mao kini, ang nagahisgot niadtong mahitungod sa usa—usa ka dakung hitabo nga nahitabo kang Abraham, nga nagbayad siya sa iyang ikanapulo ngadto kang Melquisedec, sa dihang pabalik na siya gikan sa pagpamatay sa mga hari. Ug karon miingon siya, nga, “Si Levi atua pa sa hawak ni Abraham, sa dihang natagbo niya si Melquisedec, sa pagkagikan niya sa pagpamatay sa mga hari.” Ug iya kadtong giisip ngadto kang “Levi nga nagabayad og ikanapulo, usab, sa dihang atua pa siya sa hawak ni Abraham,” nga iyang kaapo-apohan.

Ug nagaduaw Siya sa mga kasal-anan sa mga tawo diha sa ilang mga kaanakan, sa mga henerasyon ug henerasyon, nga dili motuman sa Iyang Pulong. Kita n’yo?

³¹ Gipang-plano na kamong daan sa Dios. Wala'y butang nga nagakahitabo nga nasalagmaan lang, diha sa Dios. Nasayod Siya bahin sa tanan niini. Giplano nang daan kining tanan, giplano na sa una pang mga henerasyon, aron nga mahianhi ka dinhi karong gabhiona. Nasayran ba ninyo kana? [Nagaingon ang kongregasyon, "Amen."—Ed.]

Hunahunaa lang, nga, ikaw, usa ka panahon niadto... Balikon ko kini pag-usab. Ikaw, usa ka panahon niadto, atua pa sa imong amahan, sa binhi sa imong amahan. Karon, wala pa siya nakaila kanimo niadtong panahona, ni ikaw nga nakaila usab kaniya niadtong panahona. Apan, nakita mo, dayon napahimutang ka diha sa semilyahanan, sa tagoangkan sa imong inahan, pinaagi sa balaang kaminyoon. Ug dayon nahimo ka nang usa ka tawo nga nahayag diha sa hulagway susama sa imong amahan, dayon aduna na ang pagpakigkauban.

³² Karon, ang paagi lang nga mahimo kang usa ka anak nga lalaki, usa ka anak nga babaye sa Dios, tungod kay kinahanglan nga mahimo kang . . . gikinahanglan nga aduna'y Kinabuhi nga Wala'y Katapusan. Ug aduna'y usa lang ka porma sa Kinabuhi nga Wala'y Katapusan, ug kana mao ang Kinabuhi sa Dios. Usa lang ka porma sa Kinabuhi nga Wala'y Katapusan, kana mao ang Dios. Dinha, aron nga mahimong usa ka anak nga lalaki sa Dios, kinahanglan nga atua ka na sulod Kaniya sa una pa. Ang binhi sa imong Kinabuhi, espirituhanon nga Kinabuhi, karong gabhiona, atua na sa Dios, sa Amahan, bisan sa wala pa nagkaaduna og usa ka molekula. Kita n'yo? Ug ikaw wala na'y lain kondili mao ang kapadayagan sa binhi sa Kinabuhi nga atua sa Dios, ingon nga usa ka anak nga lalaki sa Dios.

Karon naihayag ka na, human nga miabot ang Iyang Pulong kanimo, aron Hayagan kini nga kapanahonan. Imong ginapahayag ang Kinabuhi sa Dios diha kanimo, tungod kay usa ikaw ka anak nga lalaki o usa ka anak nga babaye sa Dios. Busa, nakuha ba ninyo kung unsay akong ipasabot? [Nagaingon ang kongregasyon, "Amen."—Ed.] Kita n'yo? Anaa ikaw sa . . . Nabuhat ka na, nagalingkod ka na niining simbahan, karong gabhiona, tungod kay ang imong katungdanan mao ang pagpahayag ngadto niining nasud ug sa niining mga tawo, ug sa niining mga kasilinganan kon diin kamo nagapakig-uban.

Bisan asa ka pa man, nasayod na ang Dios nga maania ka dinhi, tungod kay usa gayud ikaw sa Iyang mga binhi, o sa Iyang mga kinaiyahan. Mao gayud ka. Kung ikaw man, kung aduna gayud ka'y Kinabuhi nga Wala'y Katapusan, kung ingon-ana Kinabuhi na Kini nga Wala'y Katapusan kaniadto pa. Ug ang Dios, sa wala pa ang usa ka pagkatukod, sa kalibutan, nasayod na nga maania ka dinhi. Ug sa diha nga ang Pulong, o ang tubig, "ang paghugas sa tubig uban sa Pulong" gibubo diha kanimo—kanimo, nahayag na kini diha sa usa ka linalang. Karon aduna ka na'y pagpakigkauban sa imong Amahan, ang Dios, sama nga

nagkaaduna ka sa imong yutan-ong amahan. Kita n'yo? Mga lungsoranon na kamo sa Hari; dili nga mga lungsoranon, kondili mga anak kamo, mga anak nga lalaki ug mga anak nga babaye sa buhi nga Dios, kung mahitabo man nga ang Kinabuhi nga Wala'y Katapusan nagapuyo sulod kaninyo.

Karon, kung ingon-ana, kung mao man Kini, si Jesus mao ang nadayag nga kahupnganan sa Dios. Siya ang bug-os kinatibuk-an sa pagka-Dios diha sa pagkalawas. Busa, sa dihang mianhi Siya sa kalibutan ug nga nadayag sa unod, atua na kamo sulod Kaniya kaniadto, tungod kay Siya mao ang Pulong. "Sa sinugdanan mao na ang Pulong; ang Pulong uban sa Dios, ug ang Pulong mao ang Dios. Ug ang Pulong nahimong unod, ug nagpuyo ipon kanato." Ang Pulong nahimong unod. Busa, naglakaw kamo uban Kaniya, sa atua kamo sulod Kaniya, sa ania pa Siya sa kalibutan. Nag-antus kamo uban Kaniya, ug namatay kamo uban Kaniya. Gilubong kamo uban Kaniya. Ug karon nabanhaw na kamo uban Kaniya, ug mga gipadayag na nga kinaiyahan sa Dios, nga anaa na sa Langitnong mga dapit; nga mibangon na, nabanhaw na ngadto sa bag-ong Kinabuhi, ug anaa na sa Langitnong mga dapit diha kang Cristo Jesus. Oh, nagkahulogan gayud kana og hilabihan, sa niining mga adlaw, Iglesia! Nagkahulogan kana og hilabihan gayud kanato, nga makita ang atong kaugalingon nga nakapuwesto na diha kang Jesus Cristo!

³³ Karon, kung kita ang kadtong mga kinaiyahan sa Dios, dili kita mahimong magkinabuhi pinaagi sa mga kredo. Dili kita mahimong magkinabuhi pinaagi sa denominasyonalismo. Kinahanglan nga magkinabuhi kita pinaagi sa Pulong, tungod kay ang Pangasaw-onon kabahin sa Pamanhonon, ingon nga ang si kinsa man nga asawa kabahin sa iyang bana. Busa, kinahanglan nga mamahimo kita nianang Pangasaw-onon nga Pulong. Ug unsa man kanang Pangasaw-onon nga Pulong? Ang kapadayagan sa niining panahon, ang Pangasaw-onon, dili nga kredo o usa ka denominasyon, apan usa ka buhi nga pulong sa Dios, usa ka buhi nga kinaiyahan sa Dios, nga ginapasundayag sa kalibutan ang maong mga kinaiyahan sa Dios, diha sa pag-umol na sa Pangasaw-onon nga igapahayag sa niining panahon nga atong ginapuy-an karon.

³⁴ Dili sarang ikapahayag ni Martin Luther ang mga kinaiyahan nga atong ginapahayag, tungod kay kadto pa ang sinugdanan, ang pagkabanhaw, sama sa lugas sa trigo nga nalubong sa yuta.

³⁵ Karon, atong kutloon kini pag-usab. Inyo na tingaling nabasa ang maong libro, kadtong Aleman nga nagbiaybiay kanako, ug nag-ingon nga usa ako kuno ka pinaka-panatiko sa tanan nga mga panatiko. Siya—bug-os gayud siyang supak sa tanan nga gitawag og Dios, ug nagbiaybiay pa gani sa Dios. Miingon, "Ang Dios nga makahimo sa pagpabuka sa Mapula

nga Dagat ug.” miingon, “ipagawas ang Iyang katawhan; ug molingkod nga nakabutang ang Iyang mga kamot sa Iyang tiyan, ug pasagdan lang (sulod sa kadtong mangiub nga mga kapanahonan) kadtong mga katawhan nga mamatay ug mag-antus, nga kaonon sa mga liyon kadtong mga bata.”

³⁶ Nakita n’yo, ang tibuok—ang tibuok programa, ang tibuok nga Iglesia, natukod diha sa Langitnong pinadayag. Nag-ingon si Jesus, diha sa San Mateo, sa ika-16 nga kapitulo, “Wala’y unod ug dugo ang nagpadayag niini kanimo, apan ang Akong Amahan nga anaa sa Langit mao ang nagpadayag niini kanimo.” Unsa man kadto? Usa ka pinadayag kung Kinsa Siya. “Ug sa ibabaw niining Bato, pagatukoron Ko ang Akong Iglesia, ug ang ganghaan sa hades dili makadaug Niini.” Kita n’yo?

Ang pinadayag mahitungod kang Jesus Cristo sa niining panahona; dili sa kung unsa Siya kaniadto sa laing panahon! Kung unsa Siya sa karon, ang maong ginapahayag sa Biblia. Nagatubo na kini diha sa Pangasaw-onon, paingon na sa tuman na nga pagkahamtong. Busa, kung ang maong lugas sa trigo, ni Cristo, kinahanglan nga mahulog sa yuta, mao man usab ang Pangasaw-onon nga kinahanglan mahulog usab sa yuta, sulod niadtong mangiub nga mga kapanahonan. Ang bisan unsa man nga trigo nga nagakalubong sa yuta kinahanglan nga mamatay, o dili sarang mapabunga ang kaugalingon niini, padaghanon ang kaugalingon niini. Ug ang gamhanang Iglesia nga Iyang gitukod sa Adlaw sa Pentecostes, pinaagi sa pagpadala sa Espiritu Santo, gikinahanglan nga magasagubang sa pagkasinakit ug nga mahulog sa yuta, malubong sa yuta sa niadtong mangiub nga kapanahonan, aron nga motubo pag-usab sa panahon na ni Luther, ug mopaingon na ngadto sa bug-os na nga pagkahamtong sa Pangasaw-onon ni Jesus Cristo alang sa niining kaulahiing adlaw. Kita n’yo? Wala gayu’y paagi. . .

³⁷ Busa, ang Pangasaw-onon, sa Pagsakgaw na, mamangon gayud. Ug giplano nang daan tanan sa Dios, planado na tanan. Sa sugod pa lang, nailhan na Niya ang kada tawo, kada lugar, kung kinsa man ang mopahayag, tanan na bahin niini. Naplano na kini tanan. Nasayod ang Dios nga maania kini dinhi. Ug—ug sa dihang. . . Gihimo Niyang ingon niana kini, aron nga kung makaadto na kita didto. . . Miadto una Siya aron sa pag-andam ug lugar kanato. Ug sa pagkaadto na nato didto, mahiandam na kini tanan sama lang sa niining gabii nga nahiandam na, sama niining maong takna nga nahiandam na. Oo. Ang gamhanan Niya nga daang-pagkahibalo mao ang nagasugilon Kaniya sa tanan niining mga butang, pinaagi sa maong daang-pagkahibalo.

³⁸ Siya’y anaa sa tanang dapit tungod kay Siya nahibalo sa tanan; nahibalo sa tanan tungod kay anaa Siya sa tanang dapit. Busa, pinaagi sa Iyang daang-pagkahibalo. . . Karon, dili Siya mahimo lang nga hangin sa kalibutan, tungod kay usa Siya

ka Persona. Dili Siya nga usa lang ka tinumotumo. Usa Siya ka Persona. Nagapuyo Siya. Nagapuyo pa gani Siya sa usa ka balay. Nagapuyo Siya sa usa ka lugar nga gitawag og Langit. Ug busa, sa Iyang pagka-, pagka-anaa sa tanang dapit; pagkahibalo sa tanan, nga nasayod sa tanang butang, kung ingon-ana anaa gayud Siya sa tanang dapit tungod kay nasayod Siya sa tanang butang.

³⁹ Ikaw, karon, midaku ka na gikan sa imong pagkahimugso, sa dihang natawo ka ug napaila sa niining kalibutan. Nasayod na ang Dios nga maania ka dinhi sa kalibutan, ug midaku ka na gikan sa pagkahimugso ngadto sa pagkahamtong. Ang mga butang niadto nga daw sa ka talagsaon kanimo, sa imong pagkadalaga, sa pagkabatan-on, ingon nga mga bata pa, daw sa tinuod na gayud sa karon. Dili mo kini masabtan niadto sa bata ka pa. Apan sa karon, ingon nga nagkahamtong ka na, nagakasabtan mo na ug makaplagan nga ang tanan gikatakda na sa tukma gayud. Ug, kanimo, mahinungdanon kaayo kini kanimo karon.

⁴⁰ Mao usab kini sa inyong espirituhanong pagpakatawo. Ginabuhat ninyo ang mga butang nga wala kamo kasabut, sa diha nga usa pa kamo ka gamay nga bata, ang pag-adto ninyo sa altar. Gitugyan ninyo ang inyong kinabuhi ngadto kang Cristo. Ginabuhat ang ingon anang talagsaong mga butang. Nagakahibulong kamo kon ngano nga gibuhat ninyo kadto. Apan sa dili magdugay, sa pagkahamtong na ninyo, ingon nga hamtong na nga mga Cristohanon, dayon inyo nang masabtan kini. Kita n'yo? Aduna'y butang nga nagahatag og katin-awan. Masabtan na ninyo kon ngano nga kinahanglan ninyong buhaton kadto. Ang inyong espirituhanong pagkahimugso! Nagatipo ang inyong natural nga pagkahimugso sa inyong espirituwal.

Kung giunsa—kung giunsa pagtakdo niini kaninyo, sa niining kinabuhi, samtang nga kamo nagatubo, nagkatakdo gyud ang tanan, tungod kay gibuhat kamo alang niana. Dili ba kini usa ka talagsaong butang, sa gabii nga nagpanuko pa kamo padulong sa maong pang-misyon nga buluhaton, sa pang-tolda nga panagtigum, o sa kung asa man nga gamay'ng simbahan sa kanto, ug aduna'y usa ka butang ang giwali sa magwawali, nga usa ka hisgotanan, ug nga napaadto na lang kamo mismo ngadto sa altar? Kita n'yo? Kita n'yo? Nasayod na niana ang Dios, sa wala pa ang pagkatukod sa kalibutan. Kita n'yo? Kini—daw sa katalagsaon kini kanimo, kon ngano nga nabuhat mo kini kaniadto. Apan nasabtan mo na karon, kabalo ka na kon unsay nahitabo. Tukma kaayo kini kanimo sa niini nga kinabuhi, ug mamaingon usab kini sa Kinabuhi nga moabot. Kini nga kalibutan ug ang kinabuhi niini daw sa—nagaabante pa samtang nagakahamtong kamo. Ang tanan kaninyo daw sa nagakatakdo gayud.

41 Wala ako nagatoo sa usa ka . . . nga nasalagmaan lang nga maania dinhi ang usa ka tawo. Karon hunahunaa lang, sa dihang miabot ka sa—sa kalibutan, ang tanan nahiamdam na daan alang kanimo, o giandam na daan, diay, alang kanimo. Halos dili ko masabtan nga kon giunsa nato paghunahuna nga ang usa ka Dios nga makahimo sa pag-andam sa tanan niining maayong mga butang alang kanato nga dili pa . . . dili pa kita makasalig Kaniya. Nga, kung gidala Niya kita niining kagubot nga ania kita karon, ug giandam alang kanato dinhi ang maayong mga butang sa kinabuhi, unsa ka labaw pa nga makasalig kita Kaniya sa pag-andam sa maong mga butang nga moabot, kita n'yo, ang mga butang nga Wala'y Katapusan! Mora kini, ingon ko, pagkatalagsaon kaayo.

42 Ug ako—wala ako nagahunahuna nga ang Langit ingon sa usa ka lugar nga ginaestorya kanako sa una sa akong inahan. Nagatoo ako nga mitubo na ang Iglesia gikan niana. Ang hunahunaon, ingon-ani sa una kini, usa ka gatus ka tuig ang milabay, o duha, nagtoo ko ang mga tawo kaniadto nagahunahuna niadto nga ang tanan nga namatay misaka ngadto sa Langit ug aduna pa'y alpa, ug—ug nanglingkod didto sa mga panganud ug—ug nagtugtog og alpa. Karon, nasayod sila nga aduna'y usa ka lugar nga gitawag og Langit. Apan, sila, kung ingon-ana man, balikan kita niini sa tanang mga musikero, nakita n'yo. Apan kita . . . Apan kini—dili ingon-ana kini nga matang sa usa ka lugar. Dili kini pagtugtog og mga alpa, man lang. Nagatoo ko, wala ako nagatoo nga ginatudlo kana sa Biblia. Apan usa kadto ka panghunahuna nga atua kanila sa wala pa mitungha ang katibuk-an sa Pulong, o ang pag-abli sa Pito ka Selyo, nga gikasaad na ngadto kanato sa niining kapanahonan, nga nasabtan na nato dayon.

Nagatoo ako nga ang Langit usa gayud ka tinuod nga lugar, sama lang sa ingon niini ka tinuod nga lugar, kita n'yo, kay gisugdan kita sa Dios diha sa atong espirituhanong pagtubo sa niining lugar. Ug nagatoo ako nga ang Langit usa gayud ka tinuod nga lugar nga ingon ka tinuod niini, kon diin wala kita nagalingkod didto sa Eternidad ug nga molingkod lang didto sa panganud. Wala kita nagakaskas lang sa atong alpa, sa tibuok—sa tanan sugod karon, sa bisan unsang panahona. Apan paingon kita sa usa ka tinuod nga lugar kon diin mamuhat kita sa mga butang, kon diin nga mamuyo kita. Mamuhat kita. Magakalipay kita. Magkinabuhi kita. Paingon kita ngadto sa Kinabuhi, ngadto sa usa ka tinuod nga Kinabuhi nga Wala'y Katapusan. Paadto kita sa usa ka Langit, usa ka paraiso. Sama nga namuhat si Adan ug si Eba, ug nagkinabuhi, ug mikaon, ug nagkalipay, didto sa tanaman sa Eden sa wala pa misulod ang sala, paingon na kita didto nga pabalik pag-usab, diretsong, pabalik mismo. Ang una nga Adan, pinaagi sa sala, ang nagpahigawas kanato. Ang ikaduhang Adan, pinaagi sa

pagkamatarung, ang nagapasulod kanato balik pag-usab; ang nagapakamatarung kanato ug nagapasulod kanato balik.

⁴³ Kamong mga tawo nga nagakuha og mga teyp karon, bahin sa maong mensahe sa “pagpamatarung,” gusto ko nga mokuha kamo niini. Ug kung nagakuha man kamo sa mga teyp, gusto ko nga mokuha kamo niana. Nasulti ko na ang bahin niini, dinhi usa ka higayon kaniadto.

⁴⁴ Tan-awa kung giunsa sa inyong yutan-ong ginikanan, sa wala pa kamo mitungha dinhi, sa wala pa sila nakahibalo nga moabot kamo, nangandam na alang sa inyong pag-abot. Hunahunaa lang kana karon, ang inyong mga yutan-ong ginikanan. Nga, ang yutan-ong ginikanan usa lang ka tipo sa langitnong Ginikanan. “Kung nahibalo gani kita sa paghatag og maayong mga gasa sa atong mga anak, unsa ka labaw pa nga nahibalo ang inyong Langitnong Amahan sa paghatag og mga maayong gasa sa Iyang mga anak.” Si Jesus ang nagsulti niini nga mga Pulong. Kita n’yo?

Nangandam sila alang sa imong pag-abot. Naghimo sila og gamay nga kuna, o nagpalit og gamay, pipila ka gamay nga mga ginansilyo nga sapatos sa bata, ug gagmay’ng mga sinina, ug uban pa. Nangandam sila, sa tanan na alang sa imong pag-abot, gipang-andam na bisan sa wala ka pa miabot sa yuta.

⁴⁵ Miadto na si Jesus aron mangandam alang sa atong pag-abot didto. Karon himatikdi. “Sa Balay sa Akong Amahan daghang mga puy-anan.” O, atong . . .

Wala ko’y tuyo nga modugang sa Pulong, o motaktak gikan Niini, tungod kay dili gyud nato angay’ng buhaton kana. Nag-ington ang Pinadayag 22, “Ang si kinsa man nga modugang og usa ka pulong, o motaktak og usa ka Pulong gikan Niini.” Apan tugoti lang ako sa pagbuhat niini, ingon nga dili usa ka pagdugang, apan sa pag—pagpalutaw lang og usa ka punto.

“Sa Balay sa Akong Amahan daghang matang sa mga puy-anan.” Wala ako nagatoo nga sa dihang moabot na kita sa Langit nga mopaingon man gayud kita, nga eksaktong pareho gayud didto ang itsura sa tanan. Wala ako nagatoo nga—nga mamahimong mga bulagaw ang buhok sa tanan didto, o itumon man ang buhok, o—o gamay man, o—o dagku tanan, o—o mga higante tanan.

Nagatoo ako nga ang Dios usa ka Dios sa nagkalainlain. Ang kalibutan nagapamatuod niana. Aduna Siya’y dagkung mga kabukiran ug gagmay’ng kabukiran. Aduna Siya’y mga kapatagan. Aduna Siya’y mga disyerto. Aduna Siya’y nagkalainlaining mga butang, tungod kay gipangbuhat Niya kini sa paagi nga gipangbuhat Niya kini. Ug nagbuhat Siya og mga tingpanahon; ting-init, tingtugnaw, tingpamulak, tingdagdag. Gibuhat Niya ang mga tingpanahon. Nagapakita kini nga usa Siya ka Dios sa nagkalainlain. Gihimo Niya kamo diha sa

nagkalainlain. Ang uban nga tawo mapangandakon gayud, ug ang uban usab dogmatiko kaayo; ug ang uban buutan man; maloloy-on usab ang uban. Ug makita mo na lang ang nagkalainlain nga klase sa mga tawo, ug mao usab sa Iyang Gingharian. Kita n'yo?

⁴⁶ Tan-awa si San Pedro, ug ikumpara siya kang Andres. Kita n'yo? Si Andres mao kanang tawong mainampoon kaayo, nagapabilin nga nakaluhod lang sa tanang panahon. Ug si apostol Pedro usa sa kadtong mga maisogon nga nagwali, ug—ug uban pa. Ug si Pablo mas medyo edukado, nga mas . . . sama sa propeta, o unsa man, ug makalmahon.

⁴⁷ Ug, kita n'yo, gisulat ni Moises ang nahaunang upat ka mga Basahon sa Daan. Nga, siya ang nagsulat sa Daang Tugon. Mga kasugoan na ang uban pa niini, ug mga hari, ug mga salmo, ug uban pa, ug unsa pa nga gisulat sa usa ka tawo bahin sa mga propeta. Apan si Moises ang nagsulat sa mga kasugoan, ang nahaunang upat ka mga Basahon sa Biblia: ang Genesis, Exodo, Levitico, ug Deuteronomio.

⁴⁸ Ug dayon si Pablo ang nagsulat sa Bag-ong Tugon. Tinuod kana. Si Mateo, si Marcos, si Lucas ug si Juan ang nagsulat sa mga buhat sa kung unsa ang mga nahitabo, ug uban pa. Apan si Pablo ang naglain sa kasugoan ug sa grasya, ug gihan-ay kini sa matag puwesto niini. Kita n'yo? Siya ang magsusulat sa Bag-ong Tugon. Gihatag niya kanato ang mga sinulat sa Bag-ong Tugon, nga ginahan-ay ang Pulong sa Dios sa husto.

Karon himatikdi, *daghan*, “daghang mga puy-anan,” daghan nga matang sa mga puy-anan.

⁴⁹ Sama nga, daghang matang sa mga bungtod; sama nga, daghang matang sa mga suba, sa mga tuburan, sa mga lanaw. Ania na sila dinhi sa wala pa kamo miabot dinhi, una, tungod kay ang pagkamaayo sa inyong Langitnong Amahan mao ang nagpahimutang kanila dinhi. Tungod nga, gusto sa ubang tawo ang mga kabukiran. Gusto usab sa ubang tawo ang tubig. Ang uban gusto sa disyerto. Busa, nakita n'yo, sa inyong pag-abot, nasayod na Siya sa inyong kinaiya ug kung unsa ka, busa gipangbuhat Niya kini sa ingon nga malipay kamo niini. Oh! Hunahuna ko nga usa kana ka maanindot gayud nga Amahan, kita n'yo, ang masayod nga gipangbuhat Niya kini nga ingon niini.

Malipayon ako nga gibuhad Niya ang mga kabukiran. Ako—gusto ko ang mga kabukiran. Ako . . . Ug ako—gusto ako niana. Kon diin, ang uban, “Oh, dili ko makapabilin nga . . . Oh, Iya sigurong gihurot sa paghaw-as ang Iyang kahon sa mortar didto.” Bueno, Iyang gihurot kini paghaw-as kini aron nga malipay ako niini. Nakita n'yo? Busa moingon dayon, “Gusto ko ang kapatagan, kon diin nga mas halapad ang akong malantaw.”

Bueno, duha ka nagkalinlain nga mga kinaiyahan, pareho man kami nga mga Cristohanon.

Apan nasayod ang Amahan nga maania kamo dinhi, ug giandam na ang tanan alang kaninyo sa wala pa kamo mianhi. Amen. Ang una ninyong pag-abot, dinhi, nahiangam na Niya kini alang kaninyo sa inyong pag-abot dinhi. Dili ba kana makapahibulong ang hunahunaon lang kung unsay Iyang nabuhat?

⁵⁰ Karon, karon, apan hinumdumi, mga lumalabay lang kini nga mga gasa, ingon nga tipo. “Karon, nasayod kita nga si Moises, sa pagtukod sa tabernakulo didto sa kamingawan, o sa pag-andam niini, nag-ingon siya nga gibuhath niya ang tanang maong mga butang sumala sa pagkahan-ay nga iyang nakita didto sa Langit.” Kita n’yo? Busa, ang yutan-ong mga butang nagapahayag lamang sa kung unsa man ang mga butang nga Wala’y Katapusan. Ug kung kining kalibutana nga atong ginapuy-an karon, nga ingon ka daku kaayo, ug nga gimahal nato kini; ug nga gigustohan na nga puy-an, ug nga mahanggap ang hangin, ug nga masud-ong ang mga bulak ug ingon anang mga butang; kung—kung niana, kung kini dinhi mao ang kapahayagan, ang usa nga naghimalatyon na nagapahayag lamang sa usa ka Wala’y Katapusan. Sa diha nga makita mo ang usa ka kahoy nga nagapanglimbasog, nagalugnot, nagapaningkamot nga mabuhi, nagapasabot kana nga aduna’y usa ka kahoy kon asa man nga wala na nanginahanglan nga buhaton kana.

Sa diha nga makita mo ang usa ka tawo dinhi, nga nagapaningkamot nga mabuhi, usa ka tawo diha sa usa ka ospital, o diha na sa higdaanan sa masakiton, o diha sa usa ka aksidente, nga nagapanglimbasog, ug nga ang kamatayon nagakagalkal na sa ilang tutunlan, ug nga nagapanggunit na, ug nga nagahilak, ug nga nagatuwaw na alang sa kinabuhi, unsa may ginapasabot niana? Aduna’y usa ka lugar, kon asa man, aduna’y usa ka lawas nga wala na nagapanglimbasog ug nga nagatuwaw alang niana. Kita n’yo? Wala gayud Niini ginabuhath kini.

⁵¹ Karon, mga lumalabay lang sila nga mga gasa kanato, kining mga butanga, nagapahayag lamang nga aduna’y Usa kon diin Usa kini nga Wala’y Katapusan. Mao kana kon unsay giadto ni Jesus aron iandam, ang Usa nga Wala’y Katapusan alang kanato. Karon, ginapahayag lamang nila nga aduna’y usa ka mas maayo pa gayud nga pareho ra nga matang, tungod kay ang mga niini pareho ra nga matang.

⁵² Karon, hinumdumi, nag-ingon ang Biblia, “Kung kining yutan-on nga tabernakulo nga atong ginapuy-an, kung mahanaw kini, matun-as man kini, aduna na kita’y usa nga nagahulat.”

Sama lang gayud sa gamay'ng masuso, sa iyang gagmay'ng mga kaunoran, sulod sa inahan, nagabiyo-biyu ug nagalihok-lihok. Ug, apan... Kita n'yo? Ug inyong mahimatikdan, mahunahuna ninyo ang usa ka babaye, kung unsa man ka ngil-ad ang iyang batasan; apan sa diha nga mamahimo na siyang usa ka inahan, sa gamay na lang nga panahon bag-o kana nga bata matawo, aduna na'y pagkabuutan ang maong babaye. Palibotan mo siya, aduna gayud kanunay og butang, mas malumo na siya. Ngano man? Aduna na'y usa ka gamay'ng espiritu sa manulonda nga nagahulat sa pagdawat niadtong natural nga lawas. Dihadiha sa pagkatawo niini, ang gininhawa sa kinabuhi nagasulod niini. Ug ginahuyop sa Dios kining gininhawa pasulod dinha, ug nagakahimo kining usa na ka buhi nga kalag. Karon, maingon nga matawo kining masuso, aduna dayon espirituhanong lawas nga modawat niini.

Ug karon, sa diha nga mahulog na kini nga lawas dinhi, niining kalibutana, sama sa masuso nga mahulog, aduna usab usa ka dili mamatay nga lawas nga nagahulat aron dawaton ang maong espiritu balik ngadto niini pag-usab. Oh, daw sa unsa ka pagkadaku nga butang! Kita'y—anaa na kita karon kang Cristo Jesus, (amen), mga masuso, mga bata kang Cristo, mga anak sa Dios, nga nagahulat alang sa bug-os nga kagawasan, diha sa Pag-abot sa atong Ginoong Jesus, ang... aron pagadawaton kita ngadto sa Iyang Kaugalingon, sa diha nga ang maong lawas, nga kining may kamatayon, pagailisan na og wala'y-kamatayon.

⁵³ Sa pagkahisama, ang tanang butang nga Iyang gibuhay, nagapahayag sa mga butang nga moabot. Sama lang sa lawas nga gihatag kanimo dinhi, sama lang gayud niini nga lawas, nga gihatag Niya kanimo aron puy-an, nagapahayag lamang nga aduna'y usa nga mas maayo pa, nga moabot pa lang. Kita n'yo? “Kung nagasul-ob kita, o nagsul-ob kita sa dagway nga iya sa yutan-on, managsul-ob usab kita sa dagway nga iya sa Langitnon,” nga wala'y pagkupot og pagkadautan ang niining usa nga moabot. Karon, kining usa nagakupot og pagkadautan, balatian, kamatayon, kagul-anan. Bag-ohay ko lang gipahayag dinhi, dili pa dugay, diha sa pagwali bahin sa *Ang Mga Pagpang-usab Nga Iya Sa Pulong Sa Dios*, bahin sa kung giunsa nga—nga kini nga lawas, aduna'y pagkadautan niini.

⁵⁴ Ug ang tanan niining moderno nga sibilisasyon nga atong ginapuy-an iyaha sa Yawa. Wala ba kamo nagatoo niana? Ingon niini ang ginasulti sa Biblia; kini nga kalibutan, ang matag kagamhanan. Dili nato gusto nga motoo niana. Apan tin-aw nga ginaingon kini sa Biblia, nga ang matag pangagamhanan, matag gingharian sa kalibutan, gipanag-iya sa Yawa ug gigamhan sa Yawa. Gidala ni Satanas si Jesus, sa itaas, ug gipakita Kaniya ang tanang gingharian sa kalibutan kaniadto, sa umalabot, sa kung unsa pa. Ug gipang-angkon sila ni Satanas, nga iyaha, ug wala gayud nakiglalis si Jesus kaniya, tungod kay siya man

ang dios niining kalibutana. Kita n'yo? Ug miingon siya, "Ihatag ko kini sila Kanimo kung moluhod Ka ug simbahon ako." Kita n'yo? Ginasulayan niya niadto nga ihatag kini ngadto kang Jesus, nga wala na'y pagsakripisyo pa. Kita n'yo? Usa kadto ka pagpakigsabot nga iyang igatanyag ngadto Kaniya.

Apan nakasala ang kalibutan. Busa, kamatayon ang silot sa sala, ug gikinahanglan Niyang mamatay. Mao kana kon ngano nga ang Dios nadayag diha sa unod, aron nga maangkon Niya mismo ang kamatayon diha Kaniya, aron nga mabayaran ang maong silot. Wala na gayu'y unsa man nga balikon pa. Dili kini gigahin sa kung unsa. Bug-os kini, nga bayad na gayud. Gibayaran na ang tanan nga pagkautang. Iyaha na kini karon. Ug kita ang mga pinadala sa Iyang Gingharian, nga nagkatigum dinhi karong gabii, sa Ngalan ni Jesus Cristo nga atong Hari, nga anaa na sa Langitnong mga dapit.

⁵⁵ Karon, sa niining kalibutan nga atong ginapuy-an, sa niining edukasyon. Gusto kong pamatud-an kaninyo. Ang edukasyon, ang siyensya, ang sibilisasyon, ug ang tanan niining mga butanga nga daw sa gikalipayan gayud nato sa karon, iyaha ni Satanas, ug nga mahanaw. Moingon ka, "Igsoong Branham, ang sibilisasyon?" Oo, sir. Miabot kining sibilisasyon tungod ni Satanas. Ginapamatud-an kini sa Genesis 4. Ang anak nga lalaki ni Cain, kita n'yo, ang maoy nagsugod niining sibilisasyon, sa pagpangtukod og mga siyudad, ug sa mga organismo, ug uban pa. Ug miabot ang sibilisasyon pinaagi sa kahibalo. Kahibalo ang maoy gibaligya sa Yawa ngadto kang Eba, didto sa tanaman sa Eden, nga nagpatipas kaniya, nga lapason ang sugo sa Dios.

Busa magkaaduna gayud og usa ka sibilisasyon sa kalibutan nga maoy atong paingnan, apan dili ingon niini nga matang sa sibilisasyon, kay sa niini nga sibilisasyon aduna kita'y mga balatian, kagul-anan, pagpangibog, kamatayon, tanan na sa niining sibilisasyon, kadaotan. Apan sa niana nga sibilisasyon wala na gayud kining mga butanga. Dili na kita manginahanglan pa og siyensya.

And siyensya mao ang pagbalit-ad sa orihinal, bisan unsaon pa. Kita n'yo? Bulagon n'yo ang usa ka molekula, aron bulagon ang mga atom ug buhaton ang *ingon niini-ug-ingon niana*, aron pabuthon kamo. Mobuhat kamo og pulbura sa pusil, pusilon *kini*, aron patyon ang kung unsa man. Mobuhat kamo og auto. Ug mogamit og gasolina nga gikan sa yuta, ug ang mga materyales pa nga gikan sa yuta, aron manghuyang ang maong mga yuta, mao nga mangalumpag kini. Ug magpadagan diha sa dalan sa nobenta ka milya matag oras, ug mopatay og tawo. Kita n'yo? Oh, pagkanerbiyoso, makigsuut-suut gayud, nagadali-dali; kinahanglan na tang magtinuloray, mag-inilogay. Oh! Kita n'yo? Iya kining tanan sa Yawa.

Ang Gingharian sa Dios dili magkaaduna og mga auto, mga eroplano, o unsa man nga siyentipikong mga kalampusan. Dili. Dili magkaaduna kini og unsa man nga edukasyon, man lang. Mamahimo kining usa ka edukasyon nga pagkalabaw kaayo kay sa niini, nga dili na kini gani mahunahunaan pa. Kita n'yo? Ang edukasyon, ang sibilisasyon, ug ang tanan niini, nagagikan kang Satanas.

Karon, moingon ka, “Igsoong Branham, nganong nagabasa ka pa man, kung ingon ana?”

⁵⁶ Kita n'yo, sama lang sa, nganong nagabisti pa man ako karon? Sa sibilisasyon nga miabot kaniadto, nga nahauna kaniadto, wala sila nagkinahanglan niadto og mga sinina. Nataptapan sila. Wala sila'y kapasikaran kaniadto sa pagsul-ob og mga bisti, tungod kay wala sila nasayod nga mga hubo sila. Karon kamo . . . Karon nga nahibaloan na nato, nga, sa karon, kung ingon ana, nga nahibalo na kita nga kita—kita—kita—kita'y hubo, magapabilin ang sala dinhi, kung ingon-ana kinahanglan nga magbisti kita. Apan dili ingon niini didto sa kinasugdanan; wala pa'y sala kaniadto. Kita n'yo?

⁵⁷ Karon, mao sa gihapon ang pamaagi sa sibilisasyon, sa tanan-tanan. Nagabasa kita. Nagasulat kita. Nagabuhat kita niini. Apan ayaw gayud nga mapahiuyon na niana. Ayaw gayud himoa kana nga imo nang diosdios, kay mao kana ang dios sa komunismo. Kita n'yo? Dili kini iyaha ni Jesus Cristo.

⁵⁸ Pinaagi sa pagtoo si Jesus Cristo; dili sa kung unsa ang mahimo mong mapamatud-an sa siyensya, kondili sa kung unsa ang ginatoohan mo. Dili ko mahimong pamatud-an kaninyo sa siyensya, karong gabhiona, sa niining bilding, nga aduna'y usa ka Dios, apan nasayod ako sa gihapon nga ania Siya dinhi. Apan, pinaagi sa akong pagtoo, ginapanghimatud-an kini.

Dili mahimong pamatud-an kaninyo ni Abraham nga magkaaduna siya kaniadto og usa ka anak sa niadtong babaye, ug ang maong babaye nga halos usa na ka gatus ka tuig ang panuigon. Apan gikumpirma kadto sa iyang pagtoo. Kita n'yo? Wala na nagkinahanglan og unsa man nga siyentipikong kapanghimatuuran. Aba, ang. . . Aba, miingon na ang doktor, “Kulangkulang ang maong tigulang nga lalaki, sa pag-ingon dinhi nga makaangkon siya og usa—usa ka anak pinaagi niadtong babaye; siya nga usa na ka gatus ka tuig ang katigulangon, ug ang maong babaye nga nobenta na.” Apan, nakita n'yo, mao man ang giingon sa Dios, busa dili gikinahanglan niini ang siyensya. Gikinahanglan Niini ang pagtoo, aron toohan ang Pulong sa Dios, dili ang siyensya.

⁵⁹ Busa, ang atong mga eskwelahan ug ingon anang mga butang usa lang ka kapakyasan. Ingon nga, ang Dios wala gayud nag-ingon, “Lakaw kamo ug pagtukod og mga eskwelahan,” o bisan pa'g, “patindog kamo og mga eskwelahan sa Biblia.” Nahibalo

ba kamo niana? [Nagaingon ang kongregasyon, “Amen.”—Ed.] Nag-ingon Siya, “Iwali ang Pulong.” Husto gayud kana. Samot pa kitang gipahilayo gikan sa Dios sa atong mga sistema pang-edukasyon kaysa sa unsa pa man nga nahibaloan ko, husto kana, samot pang nagpahilayo sa Dios. Dili nga mangtukod og mga eskwelahan, mga ospital, ug uban pa; para kadto sa kalibutan ug sa niana nga grupo. Apan, wala man ako’y supak niana; ginabuhat lang nila ang ilang mga bahin, apan sa gihapon dili ingon niana kana.

Nagatukod kita og ospital, nga pagkamaayo gayud, ug nagapanambal sa pinakamaayo nga mga tambal nga aduna kita, ug linibo ang nagakamatay niini kada adlaw. Apan, oh, sus, didto sa Ginghamarian sa Dios, wala na’y kamatayon, wala na’y kagul-anan. Amen. Wala na’y pagpanginahanglan sa niining mga butang sa kalibutan. Apan nakalabang na kita gikan niining butang, paingon na ngadto sa mga realidad sa Dios; kon diin nagapaningkamot gyud kita og maayo sa tinguhang pag-diskubre, pinaagi sa siyensya. Ug samot nga nagkasiyentipiko kita, dugang pa nga kamatayon ang ginahatud nato sa atong mga kaugalingon. Nagapakig-away kita dinha sa usa ka gubat nga pildi na kita daan, busa buy-i na kini. Ug pinaagi sa pagtoo, toohi si Jesus Cristo ang Anak sa Dios, karong gabhiona, ug dawata Siya. Siya lang ang maong Usa.

⁶⁰ Unsa ma’y ginaandam sa siyensya alang kaninyo? Dugang pa nga kamatayon. Husto kana. Nagalupad nga mga Sputnik ug tanan na, tanan na niining mga butang, aron ipakaylap ang kamatayon ug ang tanan na sa tibuk kalibutan. Ayaw pagtan-aw niana. Ihangad ang imong ulo sa mas taas pa kay niana, paingon sa Langit. Lantawa kon asa atua si Jesus, “Sa tunga kamot sa Dios.” karong gabhiona, “nga buhi sa hangtud sa kahangturan aron sa pagpangaliya alang sa atong mga pagpahayag,” sa kon unsay atong ginatoohan, ang Iyang Pulong nga mao ang Kamatuoran.

⁶¹ Karon, atong makita, nga dala niining kinabuhia ang tanan nga matang sa kadautan, busan gani ang maong kinabuhi nga moabotay dili magkaaduna niini. Kining usa aduna’y pagpangibog, ug mga balatian, kamatayon. Tungod kay, unsa man kini? Dili kini ang balay nga miadto Siya aron iandam. Usa kini ka pesthouse. Pila man ang nasayod kung unsa ang pesthouse? [Nagaingon ang kongregasyon, “Amen.”—Ed.] Oo. Bueno, mao kana kon unsay imong ginapuy-an karon. Ang pesthouse mao kon diin nila ginadala ang mga masakiton nga mga tawo. Bueno, mao kana kon unsa ang gibuhat sa sala diha kanato, ginabutang kita sulod sa usa ka yutan-ong pesthouse. Kamo’y...Dili nila matugotan ang si kinsa mang uban pa nga mosulod sa maong pesthouse, tungod kay atua didto ang tanan nang matang sa mga kagaw nga naglupadlupad, ug—ug matakbuyan ang mga tawo sa niining mga kagaw ug—ug

magmasakiton, sila mismo. Ug ang sala mao ang nagdala kanato pasulod sa maong pesthouse nga iyaha sa Yawa.

⁶² Oh, apan ang laing usa gitawag, “Ang Balay sa Akong Amahan.” “Moadto na Ako ug andamon ang usa ka lugar alang kaninyo. Ipagawas kamo niini nga pesthouse ug ihatud kamo ngadto sa Balay sa Akong Amahan.” Amen. Tan-awa n’yo; kuhaon kamo gikan niining daan na nga yutan-ong pesthouse. Miuna na Siya aron moandam og usa ka lugar, usa ka hingpit nga lugar kon diin wala diha’y kadautan, wala’y balatian, wala’y pagkatigulang, wala’y kamatayon.

Usa kini ka hingpit nga lugar nga nagapanawag kaninyo ngadto nianang kahingpitan, ug kinahanglan nga hingpit kamo aron nga makaadto didto. Maoy giingon sa Biblia. Nag-ingon si Jesus, “Busa magmahingpit kamo, ingon nga hingpit ang inyong Amahan nga atua sa Langit.” Usa kini ka hingpit nga Ginghamarian, busa ang moabot niini usa ka hingpit nga katawhan. Tungod kay, kinahanglan kamong nagapabiling ingon ana ug igaminyo ngadto sa usa ka hingpit nga Anak sa Dios, ug gikinahanglan usa kamo ka hingpit nga Pangasaw-onon. Busa unsaon man ninyo paghimo niini pinaagi sa unsa pa man kondili sa hingpit lamang nga Pulong sa Dios, nga mao, “Ang mga Tubig sa pagkabinulag, nga nagahugas sa atong mga sala”? Amen. Husto kana. Ang Dugo ni Jesus Cristo, hunahunaa Kini, ang nagaagas, Duguan nga Pulong. Amen. Ang Dugo, ang—ang Pulong sa Dios nga nagaagas nga Dugo, kon diin ang Pangasaw-onon pagahugasan. Amen. Oo, sir. Nagapabilin ang maong Pangasaw-on nga hingpit, nga ulay, dili-sinagolan. Wala gayud Siya nakasala, sa una pa lang. Amen. Nalit-ag lang Siya ngadto niini. Kita n’yo?

Kana ang maong Balay sa Amahan nga Iyang giadtoan aron sa pag-andam.

⁶³ Gikan kining usa sa pagpakighilawas, ug gikan sa pagkahulog, ug kinahanglan nga mahulog kauban sa maong pagkahulog. Bisan unsaon mo pa sa pagpatsing-patsing sa maong daan na nga butang, mopaingon gayud kini siya sa pagkahulog, bisan unsaon pa. Tapos na siya, tungod kay hinukman na siya, tungod kay mao ang giingon sa Dios. Impas na siya. Pagapapason kini sa Dios. Maoy Iyang giingon. Magkaaduna ang maong tibuok butang og usa ka pagbag-o. Nagatoo ba kamo niana? [Nagaingon ang kongregasyon, “Amen.”—Ed.]

Sa sinugdanan, sa diha nga ang kalibutan nagkaaduna niini og iyang pagkahimugso, sa dihang gibulag sa Dios ang tubig, una, gikan sa yuta, sama sa Iyang gibuhat sa tubig gikan sa tagoangkan sa inahan, aduna’y natawo nga usa ka kalibutan. Oo. Ug nagsugod og puyo ang mga tawo sa ibabaw niini sa dihang gibutang sila sa Dios dinha. Ug dayon nagsugod sila

pagpakasala. Ug gibautismohan kadto, pinaagi og paglusbog, sa mga adlaw ni Noe. Dayon gipakabalaan kini pinaagi sa Dugo sa Magbubuhat nga nagaagas diha niini.

Ug karon sa ingon niana ka nagaabot, pinaagi sa pagpamatarung, ang pagtoo sa Dios. Gibautismohan ka tungod sa paghinulsol, o, usab, alang sa kapasayloan sa imong mga sala. Nagsugid ka sa imong mga sala sa atubangan sa Dios, ug Iya kang gipasaylo niini. Ug gibautismohan ka, sa pagpakita nga human ka na, nga napasaylo ka na; nga nagasugid ngadto sa mga tawo, ug ginapakita sa kalibutan, nga ikaw nagatoo nga namatay si Jesus Cristo alang kanimo. Ug imong. . . Iyang gikuha ang imong lugar, ug nagabarug ka na sa Iyang lugar. Siya'y nahimong ikaw, aron nga ikaw mahimong Siya.

Dayon gilimpyohan na sa nagabalaan nga gahum sa Dios ang tanan nga mga bisyo sa imong kinabuhi. Sa una nagapanigarilyo ka, nagainum, nagabuhat sa dili matarung nga mga butang, nagapamakak, tanan na. Dayon miabot sa imong kinabuhi ang nagabalaan nga gahum sa Dugo ni Jesus Cristo ug ginatangtang ang tanang maong mga butang gikan kanimo. Kung makasulti ka og butang nga dili sayup, moingon dayon, “Sa kadali lang. Pasayloa ako. Dili ko tuyo nga isulti kini sa ingon niana.” Kita n’yo? Aduna na’y gipahimutang nga lit-ag ang Yawa dinha. Apan aduna ka’y grasya nga makapasig-uli pa, kung usa gayud ikaw ka Cristohanon, nga moingon, “Nakasayup ako.” Oo. Mao nga, busa, karon, ang. . .

⁶⁴ Karon, ang sunod butang nga dawaton mo, mao ang baustimo sa Espiritu Santo ug sa Kalayo.

Karon, ang Dios, sa diha nga mahuman na kini nga Milenyum, pagahatagan sa Dios ang kalibutan og usa ka pagbautismo sa kalayo. Pagapabuthon Niini ang maong tibuok butang. “Ang kalangitan og ang yuta magakalayo.” Maoy giingon ni Pedro. Ug ang maong butang makatagamtam og usa ka bautismo sa kalayo, ang pagbag-o sa maong tibuok butang. Ug dayon magkaaduna og usa ka bag-ong mga langit ug usa ka bag-ong yuta. Dinha na, sa dihang, kon diin nagapuyo na ang pagkamatarung.

Dinha na kon asa kita karon. Nahimo na kita gikan sa pagka-linalang nga may kamatayon, gikan sa pagka-linalang nga iya sa panahon, ngadto sa pagka-linalang nga Wala’y Katapusan. Sa dihang gihayagan sa Pulong sa Dios ang atong mga kalag, ug nahimo kitang mga anak nga lalaki og mga anak nga babaye sa Dios, kauban sa maong mga kinaiyahan, sa maong binhi sa Dios nga ania kanato, aron mamahimong mga anak nga lalaki ug mga anak nga babaye sa Amahan, sa Dios nga anaa sa Langit, nga nagatuwaw, “Abba, Amahan! Dios ko, Dios ko, diha sa Balay sa Akong Amahan.”

⁶⁵ Karon, kinahanglan nga malumpag na kini nga daan nga kalibutan, tungod kay miabot kini pinaagi sa pagpakighilawas. Ug miabot kini pinaagi sa pagkamasukihon, niadto sa sinugdanan. Ug nangatawo kita dinhi pinaagi sa pagpakighilawas, sa pagkahulog, ug kinahanglan nga mobalik kini sa mao rang dalanon, ngadto sa pagkahulog. Apan ang usa nga Iya nang ginaandam sa karon alang kaninyo, dili mahimong mahulog, tungod kay ginahimo Niya kining ingon niana. “Miuna na ako . . .”

Unsa kaha kung kinahanglan gayud nga mopabilin kita sa niining matang nga lawas? Wala ba mo nalipay nga aduna’y usa ka ingon nianang butang sama sa kamatayon? [Nagaingon ang kongregasyon, “Amen.”—Ed.] Karon dili ba kana talagsaon? Apan karon, moingon, pananglitan . . .

Pipila ka mga tuig ang milabay, usa pa ako niadto ka gamay nga bata, ug usa na ako karon ka hamtong nga tawo. Aduna ako’y usa ka higala nga nagalingkod mismo dinha, si Mr. Dauch, ug nobentay tres na ka tuig ang iyang katigulangon, pipila pa lang ka adlaw ang milabay. Tan-awa na siya karon. Kuwarenta o kuwarentay singko pa katuig, mamaingon na ako niana. Karon pagdugang og kuwarenta ka tuig pa diha kaniya. Asa na man kamo paingon? Ang bugtong . . .

⁶⁶ Nalipay ako nga aduna’y usa ka butang nga makapahigawas kanato niini nga pesthouse. Aduna’y usa ka abli nga pultahan, ug gitawag kini nga kamatayon. Anaa nagatindog si Jesus niana nga pultahan. Amen. Iya akong giyahan patabok sa maong suba. Iya akong paagihon nianang pultahan. Aduna’y usa ka dakung pultahan nga atua didto, nga gitawag og kamatayon. Ug sa matag pitik sa imong kasingkasing, usa ka pitik ang nagapaduol pa kanimo ngadto niini. Ug sa umaabot nga adlaw kinahanglan na akong moagi nianang pultahan. Kinahanglan gayud kang moagi dinha. Apan sa diha nga moagi na ako dinha, dili ko gusto nga mamahimo akong usa ka talawan. Dili ko gustong mosiyagit ug moatras. Gusto kong moagi nianang pultahan, nga naputos ang akong kaugalingon sa mga kupo sa Iyang pagkamatarung (dili ang sa ako), ang Kaniya.

Pinaagi niini masayod ako, nga, “Naila ko Siya sa gahum sa Iyang pagkabanhaw.” Nga, sa dihang manawag na Siya, mobangon ako gikan sa mga patay, aron mouban na Kaniya, nga gawas na niining pesthouse. Bisan asa man matumba kini nga lawas, ug kon asa man kini molagpak, unsa pa man kini, magabangon ako sa umaabot nga adlaw, tungod kay gisaad Niya Kini kanako. Ug ginatoohan nato kini. Oo, sir. Ginahimo Niya na ang Usa nga dili gayud mahimong matun-as.

⁶⁷ Himatikdi kung giunsa sa nagmabdos nga inahan, sa yuta karon, kung giunsa nga nagapanamkon ang maong lawas sa inahan sa pipila ka mga butang. Nagasulti ako, siguro ug

naglaum ako, ngadto sa mga dagku na nga mosabot. Ang inahan, diha sa pagkahimugso sa bata, kung aduna ma'y butang nga kulang sa iyang lawas, mosugod siya pagpanamkon sa usa ka butang. Tan-awa kung giunsa ni papa. . .

Mahinumduman ko nga gipadaku kami, sa ingon ka kabus nga panimalay, ug—ug halos wala na kami og unsa mang butang nga makaon sa mga bata pa kami. Daghan kaninyo ang nag-antus sa niana usab nga kahimtang.

Busa kon giunsa nga, sa diha nga, sa dili pa matawo ang mga bata, manamkon ang inahan sa usa ka butang. Ug si papa magkalisodlisod sa pagpangita'g mga paagi, og tanan na, aron lang mahatag kini ngadto kaniya. Kita n'yo? Sa iyaha kining, lawas, sa iyang lawas, ang calcium ug uban pa sa iyang lawas, ug ang mga bitamina nga iyang gikinahanglan. Nagakaporma na si Junior, kita n'yo, ug nangandoy siya sa maong mga butang, mga pagkaon alang sa umaabot nga bata. Ug kung giunsa, sa mga ginikanan, nga naningkamot sila nga mapalit kini aron nga matawo ang bata nga ingon ka hingpit ug malipayon sa kutob nga mahimo nila. Makita ninyo kung giunsa nga buhaton kana sa inyong mga ginikanan? Sa diha nga aduna'y butang nga gikinahanglan, ang inahan ang nagapamatuod niini, kita n'yo, gibuhat nga ingon ana ang iyang sistema. Masabtan ba ninyo? [Nagaingon ang kongregasyon, "Amen."—Ed.] Nga, kung giunsa nga kung aduna'y butang nga gikinahanglan dinhi, ngadto sa umaabot nga bata, ang—ang inahan mosugod sa pagpanamkon alang niana.

⁶⁸ Karon, paghunong sa makadiyut. Nganong aduna man kita'y mga rebaybal? Nganong ginatipon man nato ang atong mga kaugalingon? Nganong kanunay ko man badlongon ang mga tawo? Nganong tawgon ko man ang inyong pagtagad kamong mga babayeng Pentecostal: "Undangi na ang pagpamintal, ang pagmeyk-ap, ug pagpaputol sa inyong mga buhok, ug mga butang nga sama niana"? Nganong ginasulti ko man kana? Tungod kay, ang kinaraang pamaagi sa pentecostes wala kana ginabuhat sa una. Ang tinuod nga pang-Biblia nga pamaagi mao ang dili pagbuhat niana. Kamo nga nagasul-ob niining mga syort ug mga bistu nga iya sa kalalaken-an, nahibalo ba kamo nga nagaingon ang Biblia nga usa kana ka dulumtanan sa Dios? [Nagaingon ang kongregasyon, "Amen."—Ed.] Apan ginatugotan nato kini. Ngano man nga padayon nagapanaway ang Balaang Espiritu? Nasayod Kini nga aduna'y butang nga nagkulang dinha. Kinahanglan nga anaa na kita diha sa kahupnganan sa sukod sa gitag-on ni Jesus Cristo. Kinahanglan nga mahimo kitang mga anak nga lalaki ug mga anak nga babaye sa Dios. Kinahanglan manglihok kita ingon nga mga anak sa Dios.

⁶⁹ Kaniadto pa, aduna'y gi-estorya nga usa ka gamay'ng sugilanon. Nahimatikdan ko ang itum nga igsoong lalaki nga naglingkod diha sa likod. Didto sa Habagatan, nagapamaligya

sila niadto ug mga ulipon. Ug kini, sa aduna sila niadto og mga ulipon didtong dapita, sa may mga pagpangulipon pa niadto, sa wala pa ang kagawasan, sa maong proklamasyon. Ug mangadto sila ug paliton sila, sila nga mga tawo, sama lang sa nagapalit sila og usa—usa ka gamit na nga auto, gikan sa mamaligyaay. Aduna sila’y resibo sa maong mga pagbaligya, ug nga gipangbaligya sila nga mga tawo sama lang nga sila—sila’y gamit na nga mga auto. Aduna ka’y resibo sa maong mga pagbaligya kanila.

⁷⁰ Usa ka higayon miadto ang usa ka mamalitay, usa ka ahente. Ug siya’y. . . Molibot siya niining mga halapad nga mga plantasyon ug mopalit og mga ulipon. Ug nakaadto siya sa usa ka dakung plantasyon kon diin nga aduna sila’y daghang mga ulipon, ug gusto niyang tan-awon kung unsa sila kadaghan. Ug atua sila tanan didto, nga nagatrabaho. Ug sila—masulob-on sila. Malayo sila sa ilang lugar. Sa Aprika pa sila gikan.

Ila sila gipangdala dinhi. Gipangdala sila dinhi sa mga Boer ug gipangbaligya sila ingon nga mga ulipon, ug mao nga masulob-on sila. Nasayod sila nga dili na gayud sila makabalik pa sa ilang lugar. Manginabuhi na sila ug mamatay sa maong yuta. Ug sila, sa makadaghang higayon, mangdala sila og mga panglapdus ug panglapdusan sila. Sila’y mga kabtangan na sa maong tag-iya, ug mabuhat niya kanila kung unsay gusto niyang buhaton. Ug sila gayud. . . Kung patyon niya kini, patyon niya kini. Ug kung iyang, bisan unsa man, mabuhat gayud niya kini. Ingon-ana ang pagpangulipon, sama sa Israel nga naulipon kaniadto, ug—ug daghang mga nasud ang nadala sa pagpangulipon. Ug kinahanglan nilang manguha niining makaloolooy nga mga ulipon. Magserbisyo gayud sila. Manghilak sila, kabalo mo, sa tanang panahon, ug masulob-on.

⁷¹ Apan nahimatikdan nila ang usa sa niining mga ulipon, nga batan-ong lalaki, nga nakalabuntod ang iyang dughan, nakahangad nga sama *niana*. Dili na siya kinahanglan pang lapdusan. Dili na siya kinahanglan pang sultihan kung unsay buhaton. Mao nga ang ahente nagsulti, “Gusto kong paliton *kana* nga ulipon.”

Miingon siya, “Dili siya ginabaligya.”

Ingon niya, “Gusto ko siyang paliton.”

Miingon siya, “Dili. Dili siya ginabaligya.”

Miingon, “Siya ba ang agalon sa tanang uban pa kanila?”

Miingon, “Dili.” Miingon, “Dili siya’y agalon. Ulipon siya.”

Ingon niya, “Bueno, lahi man siguro ang ginapakaon mo kaniya kay sa ginapakaon mo sa uban pa kanila.”

Miingon siya, “Dili. Pareho silang nagakaon didto sa kusina, nga dungan.”

Ingon niya, “Unsa man ang nakapalahi gayud nianang bataa kay sa kanilang uban pa?”

Miingon siya, “Ania ang usa ka butang. Natingala man gani ako sa makadiyut, usab. Apan kanang bataa, usa ka lumalangyaw gikan sa Aprika, apan sa Aprika ang iyang amahan maoy hari sa maong tribu. Ug, bisan pa niana, usa siya ka lumalangyaw nga malayo sa iyang lugar. Nagaminatarung siya sa iyang kaugalingon ingon nga anak sa usa ka hari. Nasayod siya nga, didto sa tabok dagat, nga hari ang iyang amahan sa tribu. Ug karon nagaminatarung siya sa iyang kaugalingon, tungod kay nasayod siyang anak siya sa usa ka hari.”

⁷² Oh, igsoong lalaki, igsoong babaye, kamo ug ako, sa niining kalibutan nga ginapuy-an nato, magminatarung kita sa atong mga kaugalingon ingon nga mga anak nga lalaki ug mga anak nga babaye sa Dios. Mga lumalangyaw lang kita dinhi, apan ang atong pamatasan kinahanglan nga anaa sumala sa mga kasugoan sa Dios, nga kita’y mga anak nga lalaki ug mga anak nga babaye sa Dios. Sa atong pamatasan, kinahanglan manglihok kita ug mamuhat, ug sa tanan na, sumala sa kung unsa ang mga kasugoan nga gipamahayag na sa Dios.

“Ug usa kini ka dulumtanan alang sa usa ka babaye nga magsul-ob ug usa ka bisti nga iya sa lalaki.” Sayup kini ug makasasala, “Alang sa babaye sa pagpapatul sa iyang buhok,” maoy giingon sa Biblia, “dili gani maangayon alang kaniya bisan sa pag-ampo.”

Moingon ka, “Unsaon man ang bahin *niini*?”

⁷³ Aduna’y miapas kanako; usa ka bantugan, inila nga ministro, wala pa midugay. Miingon, “Igsoong Branham, ari ka. Gusto kong mopandong og mga kamot diha kanimo.” Miingon. “Pagadauton mo man ang imong ministerio.”

Ingon ko, “Unsa?”

Miingon, “Sa pagpangsinghag niadtong mga tawo sama niana.”

Ingon ko, “Ginasulti ko ang . . .”

Miingon, “Nagatoo ako niana.” Miingon, “Usa ako ka Pentecostal, usab. Nagatoo ako nga ang kababayan-an dili gayud magpamugbo sa ilang buhok, dili gayud magpang meyk-ap, ug niining mga butang sama sa ingon nianang ginapangbuhat nila, pamintalan ang ilang mga nawong.” Miingon, “Dili nila angay nga pangbuhaton kana. Apan,” miingon, “Gitawag ka man sa Dios aron sa pangpang-ampo sa mga masakiton.”

Ingon ko, “Gitawag Niya ako aron nga iwali ang Maayong Balita.”

Ug miingon siya, “Nagtoo ako niana. Apan,” miingon, “ginahunahuna mo ba *kana*?”

Ingon ko, “Oo. Tan-awa kung unsa na’y anaa kaninyo, tanan na niining dagkung mga programa, mga telebisyon, ug tanan nang uban pa. Wala na’y lain kondili sa Dios ako manubag.”

Husto kana. Ingon ko, “Wala na’y lain kondili sa Dios ako manubag.”

Miingon siya, “Ako—ako—ako . . . Pagagubaon mo gayud ang imong ministerio.”

Ingon ko, “Ang unsa man nga ministerio nga pagagubaon sa Pulong sa Dios, angay gayud pagagubaon.” Husto kana. Mao gayud. Eksakto gyud kana.

Miingon siya, “Bueno, pagagubaon mo gayud kini.”

⁷⁴ Ingon ko, “Kinsa man ang mosulti Niini kung ingon-ana? Kita n’yo? Kinahanglan nga aduna’y tawo gayud nga mosulti Niini. Kinahanglan nga aduna’y mobarug gayud sa kung unsay Kamatuoran, bisan kon makapasakit pa Kini.” Ug mga higala, ingon nga mga Cristohanon, ingon nga mga tawong nagatoo nga paadto kita sa Langit, ang Balaang Espiritu Mismo mao ang motipo kanato diha sa Pulong sa Dios.

Miingon siya, “Kabalo ka ba kung unsa ang angay mong buhaton?” Miingon, “Nagtoo ang mga tawo nga usa ka ka propeta.” Miingon, “Angay mo unta tudloan kining mga kababayan-an kung unsaon sa pagdawat sa mga gasa sa pagpropesiya ug sa mga butang nga sama niana, ug sa dagkung, mga mas hataas nga mga butang imbis sa maong gagmay’ng butang.”

⁷⁵ Ingon ko, “Unsaon ko man pagtudlo kanila og algebra kung dili man nila tun-an ang ilang mga ABC? Kung dili man gani nila buhaton ang ordinaryong butang, kita n’yo, ang natural nga butang, unsaon man nimo pagsulti kanila sa hataas nga mga butang?” Kung dili man gani kamo mosugod sa . . . Gusto na ninyong abton ang ibabaw sa hagdanan nga wala pa ninyo matumbi ang una. Mao kana ang hinungdan nga nagakahulog kamo. Kita n’yo?

Pagsugod sa ilalum, ug pagsaka diretso sa ibabaw samtang gigiyahan ka paitaas sa Dios. Kita n’yo? Ipatukma ang imong kinabuhi ug kanunay gayud nga sundon ang matag tipik sa Pulong nga gisugod sa Dios kanimo nga buhaton.

⁷⁶ Karon hunahunaa kung unsa nga ang Dios . . . Kinahanglan nga magminatarung gayud kita sa atong mga kaugalingon ug manglihok ingon mga Cristohanon. Ang atong linihokan kinahanglan nga sama sa mga Cristohanon. Tungod kay, lumalangyaw lang kita dinhi. Dili nato kini Pinuy-anan. Dili. Gibutang lang kita dinhi, sa pagkakaran. Kinahanglan nga paingon na kita, ang matag usa kanato, karong gabhiona.

⁷⁷ Karon hinumdumi. Kung ang Dios, sa Iyang kalooy, gipaaduna sa inahan, sa wala pa matawo ang gamay’ng bata, ang pagpanamkon niini alang sa pipila ka bitamina, ug nagasulti ang mga pulong sa inahan, “Pa, ako—ako—gusto ko og melon, o sandiya. Aduna ko’y gusto, nga usa pa.” Wala kini sa . . . Aba,

buhaton niya ang tanan nga mahimo niya, aron makuha kana, tungod kay nahibalo siya nga gusto niya nga ang iyang anak matawo nga ingon gayud ka hingpit nga mahimo niini. Kita n'yo? Ug pagabuhaton niya ang tanan nga mahimo niyang buhaton, aron makuha kini.

⁷⁸ Daw sa unsa kaha Siya nga mas may ikasarang, sa pagkuha niini! Siya ang Magbubuhat. Karon hunahunaa kon unsa Siya ka may ikasarang, sa pag-andam kanato og usa ka lawas, nga puy-an sama sa Kaugalingon Niyang mahimayaong lawas, kung gusto natong mabuhi. Aduna gyu'y butang sa sulod kanato, nga nagapanawag, aron mabuhi. Ug aduna'y butang sa sulod kanato nga nagapanawag aron buhaton ang husto. Dayon tawagon sa Dios ang usa ka tawo diha sa entablado, o sa pulpito, nga maoy magawali sa Kamatuoran. Ngano man? Kita n'yo? Ginapakita kini kaninyo. Dayon, kung usa ikaw ka tinuod nga anak sa Dios, mosugod ka nga motuwaw, “Dios, tangtanga *kini* kinako. Circuncidaha ako gikan *niini*. Tangtanga *kining* mga butanga gikan kanako.” Ngano man? Gikinahanglan gayud kini alang sa imong langitnong Puy-anan nga imong pagaadtoan, kon diin miadto na Siya aron mangandam. Kinahanglan nga ikaw usa gayud ka tinuod nga Pulong Pangasaw-onon ni Cristo.

⁷⁹ Nagwali ako pipila na ka gabii ang milabay mahitungod sa paghalad, sa pagtabon-sa-mga-sala sa kaniadto pang mga adlaw. Giwali ko ang mahitungod sa bugtong dapit kon diin ang Dios, ang bugtong Iglesia nga pagatagbuon sa Dios ang tawo, ug anaa kana sa, miingon Siya, sa dapit kon diin Iyang gibutang ang Iyang Ngalan. Nag-ingon Siya, “Dili Ko sila pagatagbuon sa bisan unsa pa man nga ubang dapit gawas sa maong dapit, ang maong ganghaan nga pagabutangan Ko sa Akong Ngalan.” Karon, wala ka Niya ginatagbo sa ganghaang Methodist, sa ganghaang Baptist, o ganghaang Pentecostal, o sa bisan unsa pa man niini. Apan Iyang gibutang ang Iyang Ngalan sa Iyang Anak. Nag-ingon Siya, “Ako mianhi sa Ngalan sa Akong Amahan.”

Ang kinsa man nga tawo nga nagaanhi, ug kinsa man nga anak, nagaanhi sa ngalan sa iyang amahan. Siya . . . Nagaanhi ako sa ngalan nga Branham, tungod kay ang akong amahan usa ka Branham. Ug nagaanhi kamo sa inyong ngalan tungod kay ngalan kana kaniadto sa inyong amahan.

Ug si Jesus, ang Anak, mianhi sa Ngalan sa Amahan. Ug nag-ingon Siya nga Iyang gibutang ang Iyang Ngalan, “Diha sa ganghaan kon diin nga Akong gibutangan sa Akong Ngalan, mao kadto ang halad.” Ug anaa kang Jesus Cristo ang bugtong dapit nga inyo gayud makaplagnan ang pagpakigkauban ug pagsimba sa Dios.

Moingon ka, “Bueno, nahisakop man ako sa iglesia.” Wala kana nagahatag ni usa man nga kalainan. Kinahanglan nga maanaa ka gayud kang Cristo.

Usa ka ministro sa denominasyon, sa miaging gabii, ang nag-ingon kanako, miingon, “Mr. Branham, tan-awa dinhi. Nag-ingon si Jesus, ‘Ang si kinsa man nga nagatoo.’ Nag-ingon ang Biblia, ‘Ang si kinsa man nga nagatoo nga si Jesus Cristo mao ang Anak sa Dios, gipanganak sa Espiritu sa Dios.’”

⁸⁰ Ingon ko, “Wala ba usab ginaingon sa Biblia, nga, ‘Wala’y tawo ang makatawag kang Jesus nga Cristo, pinaagi lamang sa Espiritu Santo?’” Kita n’yo? Dili mo mapabakak ang Biblia. Kinahanglan nga nakakaw-it kini sa eksakto gayud.

Busa kinahanglan nga sa tuman matawo ka gayud pag-usab, sa Balaang Espiritu sulod kanimo, nga nagapamatuod sa gawas, ikaw mismo, nga nasayod ka gayud nga Siya ang Anak sa Dios. Ug dayon kung ikaw man, ug usa ka kabahin; kung usa ikaw ka anak sa Dios, nga anaa sa Pulong sa Dios; unsaon man nimo pagsalikway sa maong Pulong? Unsaon man pagkahimo sa Balaang Espiritu nga patoohan kanimo ang usa ka kredo, nga kinahanglan mo pang mobuhat og usa ka butang sama *niini*, sa dihang lahi man ang giingon sa Biblia? “Kinahanglan nga mopasakop kami sa usa ka iglesia, ug buhaton *kini*, o buhaton *kana*,” sa dihang klaro na nga ginaingon sa Biblia kaninyo kon unsay buhaton? Kita n’yo? Ug sa diha nga makita mo na Kana, ug nga dawaton mo Kini dayon, anaa ka na sa napahimutangan Niini kung ingon-ana. Pagpadayon lang mismo, nga nagatubo gayud.

Sama sa usa—usa—usa ka semilya nga nagasulod ngadto sa tagoangkan sa usa ka babaye nga anaa ang itlog. Ug dayon nga sa dihang nagasugod na sa pagporma ang gamay’ng itlog, ug nagasugod na sa pagpagawas og mga semilya, wala ginasagol niini ang usa ka semilya sa tawo, ug usa ka semilya sa iro, ug usa ka semilya sa vaca. Iyaha lang sa tawo tanan nga semilya ang ginasagol niini.

⁸¹ Ug sa diha nga ang usa ka anak sa Dios, sa diha nga kanang gipili nang daan... Dili kana maayo nga pulong nga gamiton, apan ang Dios kini. Ania ang Biblia sa Dios. Ang daang-pagkahibalo sa Dios makahimo sa pagpili nang daan, himoon ang tanan ngadto sa Iyang kahimayaan. Sa diha nga kanang maong gipili na nga daan nga binhi, nga mao man ikaw, ug nga tinawag ka sa Dios, ug nga kanang gamay’ng agila nga binhi nga anaa dinha nadungog ang Pulong sa Dios, motukod kini paibabaw, usa ka Pulong ibabaw sa usa pa, nga ibabaw sa usa pa, nga ibabaw sa usa pa. Dili kini mosagol sa unsa mang kredo.

⁸² Himatikdi. “Sa niining mga ganghaan, matag adlaw, kinahanglan silang mokaon og bag-ong kosher. Ug nga wala’y

levadura ang mahikaplagan sa taliwala kanila, sulod sa pito ka adlaw.” Husto ba kana? [Nagaingon ang kongregasyon, “Amen.”—Ed.] Ang pito ka kapanahunan sa iglesia, kung ingon-ana, wala’y levadura, wala’y kredo, wala’y bisan unsa man nga gidugang. Kinahanglan nga tinapay kini nga wala gayud og levadura. “Wala gayu’y levadura ang mahikaplagan sa taliwala ninyo, man lang.” Nga usa ka levadura, ang Pulong Mismo, mao lang gayud kana. Ug kanang Pulong maoy Dios. Ug nahimong unod ang Dios, sa Persona ni Jesus Cristo, nga, mao kana ang Ganghaan. “Dinha nga Ganghaan Ko kamong pagatagbuon, sa pagsimba, sa diha nga ginasunod ninyo ang mga sugo sa Dios.”

⁸³ Busa, kung ikaw, niining gabhiona, moduol lang, moingon, “Ginahatag ko ang akong kinabuhi kang Jesus Cristo,” ug nga wala mo pa gayud nadawat ang Espiritu Santo; sulod ngadto Niini. Kinahanglan nga buhaton mo kini. Kinahanglan nga motubo ka pasulod Niini. Hangyoa ang Dios sa pagkamada og Pulong ibabaw sa Pulong, nga sama niana, hangtud nga maabot mo ang kahupnganan sa sukod sa gitas-on sa usa ka anak nga lalaki sa Dios, o sa usa ka anak nga babaye sa Dios.

Nagadawat pa sa mga butang nga iya sa kalibutan? Nagaingon ang Nahaunang Juan, “Kung nahigugma kamo sa kalibutan, o sa mga butang nga iya sa kalibutan, tungod kay ang gugma sa Dios wala man diha kaninyo.” Nalimbongan ka lang. Anaa pa ang gugma sa kalibutan diha kanimo, ug nalimbongan ka niini, nalimbongan ka sa Yawa, pinaagi sa pagdap-og sa maong mga butang dinha, ug nga nagapakita. Kita n’yo? Dili mo mahimong. . . Bueno, kung ingon ana, dili ka makatangtang gikan sa Biblia og usa ka Pulong sa Dios.

Unsa man ang nahimong hinungdan sa unang sala? Dili nga pinaagi lang sa diretsohay nga bakak, kondili si Eba, sa gihimo sa Yawa kaniya, gisayup pagsabot ang usa ka Pulong. Usa ra ka Pulong, ang nagbungkag sa talikala, ug gisalikway ang pagdawat sa usa ka Pulong. Mao kadto ang sinugdanan sa Biblia.

Sa tungatunga sa Biblia miabot si Jesus. Nag-ingon Siya, “Ang tawo dili mabuhi sa tinapay lamang, kondili sa matag Pulong nga nagagula sa baba sa Dios.” Mao kana ang tibuok nga Pulong sa Dios. Ginatoohan ba ninyo nga *Mao Kana* ang pinadayag mahitungod Kaniya? [Nagaingon ang kongregasyon, “Amen.”—Ed.] Ang tibuok Pulong sa Dios.

Dayon, diha sa Pinadayag 22, miabot si Jesus kang Juan, didto sa isla sa Patmos. Ug si Jesus, “Ako si Jesus ang nagpadala sa Akong manolunda aron sa pagpanghimatuod niining mga butanga.” Kita n’yo? “Ang si kinsa man nga magataktak og usa ka Pulong gikan Niini, o modugang og usa ka pulong ngadto Niini, pagataktakon Ko ang iyang bahin sa Basahon sa Kinabuhi.”

⁸⁴ Dili lang nga moingon, “Bueno, ako—nagatoo ako kang Jesus Cristo, ang Anak sa Dios.” Maayo man kana. Kung ingon-ana idugang ang uban pa Niini ngadto niini. Moingon ka, “Namatarung na man ako. Ako nang gitunol ang akong kamot ngadto sa ministro. Nagatoo ako kang Jesus Cristo.” Kung ingon-ana kinahanglan nga matawo ka pag-usab. Kinahanglan nga mapuno ka sa Espiritu Santo. Kita n’yo? Padayon lang sa pagpangpatong, samtang nga nagapadayon ka. Nagatubo ka na ngadto sa sukod sa gitas-on sa usa ka anak nga lalaki ug anak nga babaye sa Dios. Aba!

Ang Dios, makahimo sa pag-andam kanato, ug sa paghatag kanato nianang maong pagpangandoy sa atong kinabuhi, nga gusto natong makita ang usa ka butang. Pila man dinhi ang gusto pa og dugang sa Dios? [Nagaingon ang kongregasyon, “Amen.”—Ed.] Aba, nagapakita kini nga anaay dugang pa alang kaninyo. Kita n’yo? Ginapangandoy ninyo kini. Ang inyong gagmay’ng kasakit sa pagkahimugso nagasugod na. Kita n’yo? Nanginahanglan pa mo og dugang, aron nga malipay kita, ug magawason, ug mamahingpi. Kinahanglan mamaingon niana gayud kita.

⁸⁵ Sama sa—sa gamay’ng—sa gamay’ng binhi sa kinabuhi ingon nga . . . anaa sa sabakan sa Dios, nga sama gayud, ug ang maong binhi sa kinabuhi anaa sa sa- . . . nga anaa sa tagoangkan sa inahan. Ang Dios nga nagatubo; ug nga nagaadto na, miadto na, aron iandam na ang lugar alang kanato, ang lugar nga Wala’y Katapusan nga kauban Siya Mismo; dili usa ka lugar nga aduna’y pesthouse, pagkamatay, sala, pagpanapaw, ug kahugawan nga anaa sa kalibutan dinhi. Kung ang imong hunahuna anaa pa sa mga niana, nagapakita kini nga dili ka pa gayud kini nagkaaduna og pagtagbo sa Dios. Kita n’yo? Imo-imo lang kana. Nalimbongan lang ang imong hunahuna.

Nagapamiyembro-miyembro ka lang sa simbahan ug moingon, “Bueno, miyembro man ako *niini*. Miyembro ang akon inahan *niana*.” Siguro okay pa man kana sa panahon sa imong inahan, apan nagapuyo na kita sa laing panahon.

⁸⁶ Ang mensahe ni Wesley dili gayud. . . Dili niya madawat ang kang Luther. Mitoo si Luther sa pagpakamatarung, apan si Wesley aduna’y pagpakabalaan. Miabot ang mga Pentecostal, dili nila madawat ang pagpakamatarung, ang pagpakabalaan lang. Kanila, panahon na kadto sa pagpasiuli sa mga gasa. Karon pauswag na kita gikan niana. Kita n’yo?

Ang tulo ka ang-ang sa—sa nagatubo nga Punoan. Ang una, usa kini ka gamay nga dahon, mitungha si Luther, gikan sa repormasyon. Bueno. Mao kadto ang lindog. Himatikdi ang kinaiyahan. Nagapamuhat ang Dios ug ang kinaiyahan sa makanunayon, tungod kay ang Dios anaa sa kinaiyahan. Kita n’yo? Ang sunod nga miabot, ang uhay, ang polen, ang

kapanahonang Methodist. Dayon miabot ang Pentecostal, oh, sus, sa kahingpit gayud, kita n'yo, sama lang sa usa ka lugas sa trigo nga mora na gyud kini og hingpit na nga trigo, lugas sa trigo. Ablihi kini, wala may trigo dinha, man lang. Usa kini ka tipaka, ang tagdala Niini, apan kadtong Kinabuhia nagsige pa'g porma sa sulod. Kita n'yo?

⁸⁷ Sila kaniadto nga panahon ni Luther nangdawat kang Luther. Nagaagi ang kadto nga Kinabuhi didto, apan mitipas kini ug nagdenominasyon. Masayran mo na lang, nahimo na gayud nga usa ka pangdenominasyon na lang nga ang katapusan maoy pagasunogon. Kita n'yo? Nalaya ang maong lindog; nga maoy usa ra ka tagdala. Nagapaningkamot pa sa gihapon ang uban kanila sa pagpabilin nianang karaan nang tagdala nga lindog, wala gyu'y kasayuran bahin sa Dios, patay na. Moingon sila, "Buena, tan-awa n'yo, usa kami ka dahon. Mga Luther kami." Husto kana. Apan tan-awa kon asa na kini karon. Kita n'yo?

"Mga Methodist kami."

Ug bisan pa'g, "Mga Pentecostal kami." Apan tan-awa na ang Pentecostal, kung unsa nga nagakabugnaw na ug nagakahimo nang pormal gayud, kung unsa nga ang matag usa nagapalayo na. Kita n'yo? Unsa man kini? Usa kini ka tagdala sa tinuod nga Binhi. Kita n'yo? Mga tagdala ang tanan nang uban pa niini, apan mipaingon sa pagkadenominasyon. Kung moingon ka, "Pentecostal ako," wala'y kalainan kana ngadto sa Dios sama sa miingon ka nga usa ikaw ka Romano Katoliko og Judio man, o unsa man ikaw.

⁸⁸ Kinahanglan nga matawo ka, sa nianang Kinabuhi nga nagaagi niana nga tagdala dinha. Ayaw pagpabilin diha sa lindog. Ayaw pagpabilin diha sa binhi. Pagpadayon diretso ngadto sa maong tukmang bahin.

⁸⁹ Karon, hinumdumi, ug sa matag repormasyon nga nagkaaduna kita, sa tanan niadtong mga Lutheran ug uban pa, sulod sa tulo ka tuig nag-organisa sila. Husto kana. Nagpatungha og organisasyon ang matag rebaybal sulod sa tulo ka tuig.

Hunahunaa kung unsa na kini kadugay nga nagapadayon, lagpas na sa baynte ka tuig, ug wala pa'y organisasyon. Ngano man? Kini ang Binhi, nga nagingabot, nga nagaporma na sulod sa tipaka, sama *niini*. Nakabulad, kinahanglan nga mabulad na kini karon sa Presensiya sa Anak, aron mahinog ngadto sa pagkamahimayaong lugas sama sa maong Usa nga misulod sa kadtong una. Ang tinuod nga Iglesia nga nalubong, sa una, nagatubo na mismo balik sa lindog, aron motungha, nga usa pa ka Iglesia, sa diha nga moabot na ang makina'ng ig-aani aron sa pag-ani na Niini. Ang Kinabuhi nga mipaingon sa kang Luther, ang Kinabuhi nga mipaingon sa Methodist, ang

Kinabuhi nga mipaingon sa Pentecostal, mopaingon ngadto sa lugas. Mopaingon na Kini mismo ngadto sa lugas, ug mogawas, nga ginaporma na ang hingpit nga Lawas ni Jesus Cristo.

⁹⁰ Sama lang sa adlaw nga nagasubang, sa kabuntagon. Wala ka'y makita nga unsa mang kinaiyahan kundi nga nagapamatuod kini sa Dios. Dili mo gani kinahanglan ang Biblia, aron masayran nga aduna'y Dios. Ang gipanganak nga diyutay'ng adlaw, usa ka maluyahon pa nga bata. Sa mga alas siete, nagalakaw, nagaeskwela na. Pagka-alas diyes o alas onse, nakagawas na kini. Pagka-alas dose, kini diha na sa iyang pagka-kusgan. Pagka-alas tres sa hapon, nagakatigulang na kini. Pagka-alas siete o alas otso, alas sais. . . Pagka-alas singko o alas sais sa hapon, nagakabaku na siya. Nagakamatay kini. Mao na ba kana ang katapusan niini? Dili. Nagakabanhaw kini pag-usab pagkasunod buntag. Ang kinabuhi, kamatayon, paglubong, pagkabanhaw!

⁹¹ Tan-awa ang mga dahon nga nagapanungha sa mga kahoy. Nagpanungha kini, usa ka maayo, maanindot nga dahon; nga nagadala'g landong; nagapagawas sa iyang bunga. Pagkasunod, mahibaloan mo na lang, pag-abot sa tingdagdag, ginahampak kini, sa kamatayon; nagapaubos kini dayon ngadto sa gamut, ngadto sa yuta pag-usab. Mao na ba kana ang katapusan niini? Pagkasunod tingpamulak nagabalik na mismo usab siya aron magpamatuod. Oh! Mao kana ang malungtaron nga kinabuhi.

Apan, igsoong lalaki, igsoong babaye, aduna kita'y Kinabuhi nga Wala'y Katapusan. Aduna kita'y Kinabuhi nga Wala'y Katapusan pinaagi niining halangdong Usa Nga miabot, nga miuna na, ang maoy arang moandam kanato og usa ka lawas. Ug sa niining mga nagkagrabe nga mga kasakit nga bation nato, sama kaninyong mga kababayen-an nga nabati ang pagkakondena sa mga ginahimo ninyo, sa inyo nga mga kalalaken-an nga padayon nagakapyot sa mga doktrinang pang-seminaryo, ug uban pa, kamong tanan gustong moingon, "Ako—akong ginapamulong kini nga kredo. Ginabuhat ko *kini*." Apan aduna kon unsang butang diha sa kinasuloran ninyo, sa dihang nakita ninyong nangabuka ang mga mata sa mga buta; ang bungol nga naka-. . . ang buta. Ang tanan niining mga butang ang gikasaad na. Makita nga giwali ang Pulong diha sa gahum Niini. Makita ang usa ka bigaon, nga wala na sa dalan, nahimo nang usa ka tarung nga babaye. Makita ang usa—makita ang usa ka palahubog nga migawas na gikan didto, ug mamahimong usa na ka tinuod nga balaan sa Dios. Sus! Kita n'yo? Aduna gyu'y butang, Kinabuhi nga anaa dinha. Ug sugod mo nang mabati, "Bueno, tingali dili ko na angay nga buhaton kana." Apan, kita n'yo, kon unsa kini, butang kini nga gikinahanglan sa imong Lawas didto. "Ari na." Apan ang Dios aduna'y bitamina mismo *Dinhi* alang sa matag bahin niana nga Lawas. Miuna na si Jesus aron andamon ang maong dapit diha sa sabakan sa Dios; oo, sir,

usa ka gamay nga binhi, anak sa Dios, gamay nga anak nga lalaki ug anak nga babaye sa Dios.

⁹² Usa ra ka butang ang gihangyo ni Jesus, sa Iyang pagpangamuyo ngadto sa Amahan. Nahibalo ba kamo kung unsa kadto? Usa ka butang, human sa tanan Niyang mga pagsakripisyo nga Iyang gibuhath dinhi sa yuta, ang kinabuhi nga Iyang gikinabuhian, ang dalan nga Iyang gilaktan. Naghangyo Siya sa usa ka butang, “Nga kung asa Ako, atua usab kamo.” Naghangyo Siya alang sa atong pagpakigkauban. Mao lang kana ang butang nga gihangyo Niya sa Amahan diha sa maong pagampo, ang inyong pagpakigkauban sa wala’y katapusan. Kung gusto ninyong basahon diha sa San Juan 17, sa ika-24 nga bersekulo. Kung ingon-ana daw sa unsa nga kinahanglan nato Siyang tinguhaon? Kung ginatinguha Niya . . .

Karon paminaw. Kung natawo ka gayud diha sa Espiritu sa Dios, kana ang labing mahinungdanon alang kanimo. Kita n’yo? Dili sa kung unsang libro sa mga kalagdaan. Wala ka nagakinabuhi sa unsa man nga mga kasugoan ug uban pa. Nagakinabuhi ka pinaagi sa grasya sa Dios, sa Espiritu sa Dios.

⁹³ Kanunay ko nang ginasulti kini. Ingon nga usa ka misyonero, nagaadto ako sa uban nga mga nasud. Unsa kaha kung pasudlon ko ang akong asawa, ang akong mga anak, “Karon tan-aw dinhi, mga anak! Paminaw niini, Mrs. Branham! Bana mo ako. Dili ka gayud magkaaduna og uban nga mga bana samtang wala ako. Kung buhaton mo, panitan ta ka pagnakauli na ako”? Uh-huh. Kita n’yo?

Ibundak ang akong tiil, “Mga bata, nadungog n’yo ba kung unsay akong ginasulti?”

“Oo. Oo, papa. Oo, papa.”

“Makadungog lang ako og usa ka paglapas? Kita n’yo?” Kita n’yo? Karon, panimalay pa ba kaha kana?

Karon unsa kaha kung moingon siya, “Karon, human ka na, sir? Karon gusto kong sultihan ta ka og usa ka butang. Mr. Branham, ako ang imong legal nga asawang gipakasalan! Dili ka gayud magkaaduna og unsa man nga ubang uyab samtang atua ka didto, usab”? Karon, panimalay pa ba kaha kana? Karon, mamahimo nga kung unsang butang kana.

Wala nato ginabuhath kana. Gihigugma ko siya, ug nahigugma siya kanako. Sa diha nga mahibaloan niyang palakaw na ako, nasayod siya nga dili ako moadto gawas kung ginapaadto ako sa Ginoo. Mangluhod kami sa salog, ug ginapauban ang mga bata. Nagaampo kami. Miingon ako, “Minahal nga Dios, ampingi ang akong gamay’ng pares, ang akong mga anak.” Moingon sila, “Dios, ampingi ang among papa samtang wala kami kaniya, samtang wala siya.” Ug dayon sa dihang moadto na kami didto sa . . .

94 Karon, unsa kaha kung aduna ako’y sayup nga gibuhath didto? Unsa kaha kung nakalapas ako, mobuhath og sayup nga butang? Ug mobalik ako ug moadto nianang luoy kong asawa, motindog didto ug ug molantaw sa nagkunot na niyang nawong, ug sa buhok niya nga ubanon na, moduol didto ug moingon, “Honey, gusto ta ka sultihan sa usa ka butang. Nasayod ka nga gihigugma ta ka.”

“Oo, Bill, nasayod akong gihigugma mo ako.”

95 “Sultihan ta ka sa akong nabuhath. Nagdala ako og ubang babaye sa balay.” Ako—moingon ako, “Mahimo bang pasayloon mo ako niini?” Nagatoo akong pasayloon niya ako. Nagatoo gyud ako. Apan buhaton ko ba kana? Sa diha nga makita ko siya, nga nagatindog didto, makita kadtong mga buhok nga nagakaubanon na, ug masayod nga siya ang nagpatunga kanako ug sa publiko, ug nasayod ako kung unsa ka tinuod siya nga asawa sa una pa, mahimo ko kaha kana? Ako—mas maayo pang mamatay ako kaysa masakitan ko siya. Mas gustohon ko pa.

Ug kung sa niana, sa gugmang phileo ngadto sa akong asawa, daw sa unsa ka mas labi pa ang akong gugmang agapao ngadto sa Dios! Oh, dili gayud ako mobuhath og unsa mang butang nga mopasakit Kaniya. Siguradong dili gayud. Ako—gihigugma ko Siya. Gusto kong buhaton ang tanan nga Iyang—nga gusto Niyang ipabuhath kanako. Gusto kong mosunod sa matag Pulong nga giingon Niya, bisan unsa pa’y ingnon sa kalibutan. Sila, dili man nila Kini toohan, bisan unsaon pa. Gusto kong hisayran kung unsa ang giingon Niya nga pagabuhathon ko. Ug kung aduna’y butang nga kulang kanako, gusto ko nga ihatag Niya kini kanako. Ug magakinabuhi ako alang Kaniya, nga nagapahilayo sa atong mga kaugalingon sa kalibutan.

96 Kining tigulang na og yutang-ong lawas dinhi nahiaobot na sa iyang...Sultihan ko kamo. Kining yutan-ong lawas nga hilabihan ninyong gihatagan og importansya, nga inyong ginapasunod sa Hollywood. Haduol na kaayo kamo niini. Dili na kini magdugay pa. Hinumdumi ninyo. Inyo nang nadungog ang maong propesiya, kita n’yo, nga gihatag kanako sa Ginoo, “Maunlod kini sa ilalum.” Oo, sir. Himatikdi. Mahitabo gyud kini. Bantayi lang ninyo. Karon, wala pa gayud Kini nagsulti kanako og sayup. Barugan ko kana ngadto sa kung kinsa man nga gustong magsulti. Wala ako kabalo kon kanus-a o asa man, apan tapos na siya. Nagahulath na ang paghukom niini. Wala na’y katubsanan alang niini; milagpas na kini. Kita n’yo?

97 Karon tan-awa kini. Magkinabuhi alang Kaniya, nga ginapahilayo ang atong mga kaugalingon sa kalibutan. Karon tan-awa. Nagatan-aw pa kamo sa telebisyon, ang uban kaninyo nga kaigsoonang mga babaye, ug moanhi kamo dinhi ug gigusto ninyo, kamong batan-ong mga kababayen-an. Mga batan-on

kamo. Nasayod ako niana. Apan mga Cristohanon kamo. Kita n'yo? Lahi kamo. Dili ninyo gusto nga mapahisama sa kalibutan. Nahigugma kamo sa kalibutan. Dili nga kamo lang nga mga batan-on; ang uban pa kaninyo nga mga mas tigulang pa. Kita n'yo? Bueno, unsa ma'y nagapaingon niana? Kita n'yo? Motanaw kamo sa telebisyon, pag-adto ninyo didto sa tindahan, makita ninyo kining mga naandan na nga ginasul-ob sa mga babaye nga mga bistí, nga dili diosnon.

Wala ba kamo mahibalo kung unsay mahitabo didto sa Adlaw sa Paghukom? Mahimong ingon ka kaputlí gayud sa kung unsa ka sa imong bana, apan sa Adlaw na sa Paghukom kinahanglan mong manubag tungod sa pagpanapaw. Nag-ingon si Jesus, "Ang si bisan kinsa nga nagatan-aw sa usa ka babaye sa pagkaibog kaniya nakapanapaw na uban kaniya sa iyang kasingkasing." Kinsa man ang basolon? Ikaw. Kita n'yo? Gipasundayag mo ang imong kaugalingon, kadtong mga pag-syort ug pag-karsones.

Usa ka babaye ang nag-ingon kanako, dili pa lang dugay, miingon, "Dili man ako nagasul-ob og mga syort, Igsoong Branham. Ginapasalamatan ko ang Dios tungod niana. Nagasul-ob ako og mga karsones."

⁹⁸ Ingon ko, "Mas samot kana." Mas samot kana. Husto kana.

⁹⁹ Dili ka na gani kuno makapalit og sinina, halos, para sa usa ka babaye. Ingon niya, nag-ingon ang usa ka babaye, "Bueno, nagsulti ka og kamatuoran. 'Dili mo mahimo. Dili ka na makapalit niini.'" Apan nagapamaligya pa man sila sa gihapon og mga kabtangan ug aduna ma'y mga makinang igpanahi. Kita n'yo? Busa wala gayu'y pagpasumangil, man lang. Kita n'yo? Kita n'yo?

Nagapakita lang kini, igsoong babaye. Igsoon mo ako. Ug usa ako ka alagad kang Cristo, nga kinahanglan manubag sa Korte sa Paghukom alang sa kung unsa man ang ginasulti ko dinhi karong gabii. Kita n'yo? Magatindog ka didto, nga sad-an sa pagpanapaw, tungod kay ang gugma sa Dios mihungaw na pagawas sa imong kasingkasing. Nagasimba ka sa gihapon. Tingali nagasayaw ka pa sa gihapon diha sa Espiritu. Tingali nagasulti ka pa sa gihapon sa laing mga dila. Ug maayo man kini nga mga butang, apan kana dili pa sa gihapon Kini. Dili, sir.

¹⁰⁰ Hinumdumi, nag-ingon ang Biblia, "Mangtungha sa ulahing mga adlaw ang mga mini nga Cristo," dili nga mini nga mga Jesus. Dili sila mang-uyon niana. Apan, "mini nga mga Cristo," mini nga mga dinihogan. Sigurado gayud silang dinihogan sa Espiritu, sa Balaang Espiritu, ug sa gihapon mini. Kita n'yo? Aduna'y duha ka . . .

¹⁰¹ Aduna'y tulo ka tawo ang mahitungod kaninyo. Ang sa gawas mao ang lawas. Aduna kamoy lima ka mga sensya, aron nga makontak ninyo ang yutan-on ninyong puy-anan pinaagi

niana. Ang sa sulod maoy usa ka espiritu. Aduna’y lima ka mga sensya dinha, gugma ug konsensya, ug uban pa, nga imong pangkontak. Apan ang sulod niana mao ang kalag.

¹⁰² Hinumdumi, “Nagakahulog ang ulan sa matarung ug sa dili-matarung.” Ang mao rang ulan nga nagapatubo sa lugas sa trigo mao usab ang nagapatubo sa amorseko. Kita n’yo? Unsa man kini? Diha sa sulod niana nga binhi mao ang usa ka kinaiyahan, ug ginapakita nianang kinaiyahan, ginapakita ang kaugalingon niini. Mahimong mobarug kini sa mao ra nga yuta, didto mismo kauban sa sagbot. Ang sagbot ug ang trigo nga magkauban nagatindog, nanagkalipay nga pareho gayud. Nakadungo ang ulo niini. Uhaw na gayud kini kaayo. Sa dihang moabot ang ulan, makasinggit ang amorseko sa ingon ka kusog sama sa mahimo sa trigo. “Apan pinaagi sa ilang mga bunga mailhan mo sila.” Kita n’yo?

¹⁰³ Mga Cristohanon, dili ko na tingali makita kamo pag-usab. Kita n’yo, mga katuigan na sukad nga nakaanhi ako dinhi. Dili ko na tingali makita kamo pag-usab. Pagsubay kamo sa Pulong sa Dios. Tan-awa ang salamin.

Sama sa usa ka batang lalaki usa niana ka higayon, madugay na nga didto lang sa uma, wala pa gayud nakakita og salamin. Miadto siya sa iyang—sa balay sa iyang ayaan. Misugod siya pagsaka sa mga hagdan. Nakita niya ang usa ka salamin, ug nakakita siya og usa ka batang lalaki diha sa salamin. Nagpadayon siya sa pagsaka, nga nagatan-aw. Ug—ug mowarawara siya, ug mowarawara usab ang maong bata. Ug gitutokan niya. Wala pa gayud niya nakita ang iyang kaugalingon sa salamin. Busa sa igong pagduol na niya ngadto niini, milingi siya, miingon, “Aba, Mama, ako kana!”

¹⁰⁴ Unsa man ang itsura mo, sa salamin sa Dios? Nagareplektar ba kini sa usa ka anak nga babaye o usa ka anak nga lalaki sa Dios? Aduna ba’y butang, nga, pagkadungog mo Niana, nagapasuko ba kini kanimo sa maong tawo nga nagaingon Niini? O, aduna ba sa kung unsa nga nagabira dinha, nagaingon, “Nahibalo ako nga husto kanang maong tawo tungod kay anaa kana sa Kasulatan”? Kung ingon-ana, mao kana ang bitamina nga gikinahanglan alang niining lawas nga gikatagana nang maanaa dinha, usa ka puy-anan nga pagakinahanglanon nianang usa pa sa dihang maatua ka na didto. Kita n’yo? “Niining puy-anan; kung nangsul-ob kita sa iya sa yutan-on.”

¹⁰⁵ Karon hinumdumi, hilabihan ang atong kahingawa niini nga lawas. Daghan kaayong mga sinina ang ginapasul-ob nato niini. Daghan kaayo ang ginabuhat natong mga butang, nga, dili man kinahanglanon, ilis ug ilis ug ilis, ug tanan na niining mga butang. Ug—ug, oh, tanan na gayud nga tawo.

Tugoti lang nga may usa nga mosugod sa kung unsang butang. Pintalan mo og pula ang inyong hagdanan ug bantayi

ang mga Jones og pintalan usab nila og pula ang sa ila. Moilis ka gikan sa usa ka Chevrolet ngadto sa usa ka Ford, ug dili nila mapasagdan kini. Oras na kini sa pakig-indigay. Tugoti ninyong. . . Paanhion mo sa simbahan ang usa ka babaye, nga sul-ob ang usa ka matang sa kalo, bantayi og awaton kana sa tanang kababayen-an; ilabina ang asawa sa pastor, kita n'yo, bantayi lang kung unsay mahitabo. Karon, tinuod kana. Bug-os gyud kana nga kamatuoran. Oras na sa pakig-indigay. Igsoon, angay na nga oras na gayud sa pakig-indigay. Ug ang tanan niini—tanang niining mga butang maoy—maoy alang sa usa ka katuyoan.

Dili ko igsapayan kung ang amerikana ko man mibagay sa akong karsones. Ug nagkalisod ako. Ang akong asawa o umagad nga babaye, kinsa man, gikinahanglan pa nga sultihan ako kung unsa nga klase sa—sa tie ang gamiton dungan niini. Ako—dili ko igsapayan kung mobagay man sila, ugaling. Gusto kong mobagay ang akong kasinatian sa Pulong sa Dios. Mao kana ang mahinungdanon, tungod kay dinha ang tinguha kong magkinabuhi; dili sa kanto didto nga kauban ang mga Jones, kondili didto sa Himaya kon diin atua si Jesus, nga miuna na aron sa pag-andam kanato og usa ka lugar. Oo, gusto nato kana. Oo, sir. Nga malayo gikan sa tanan niini.

¹⁰⁶ Kining tigulang na'g yutan-ong tabernakulo dinhi, kabalo ba mo kung unsa kini? Kini nga lawas sama sa usa ka daan nang amerikana nga imong ginasul-ob, usa ka amerikana nga imong ginasul-ob sa una. Apan karon aduna mo'y usa nga labing maayo pa, dili ka na nagagamit pa niini. Unsa ma'y ginabuhat mo? Imo na kini ginasab-it sa aparador, kay aduna ka na'y usa nga mas maayo pa. Aduna ka na'y labi pang maayo nga amerikana. Mas bag-o kini kaysa sa maong usa nga imong ginasul-ob kaniadto, nga na luma na. Ang unsa man? Kini ang niana nga bisti. Ikaw ang maong sa sulod niana dinha. Gibuhat lang nianang bisti ang unsa? Gidala niini ang imong imahe. Kita n'yo? Apan wala ka na nagkinahanglan pa niini sa karon. Gisab-it mo na kini. Usa na kini ka trapo.

Ug ingon niana kining tigulang na nga lawas, ikaw, gidala niini ang imahe sa langitnon. Bisan pa, dili kini ikaw. Anaa ikaw sa sulod niana nga lawas. Ikaw, ang Espiritu sa Dios, anaa sa sulod niana nga lawas. Mao kana kung unsa ang nagapagpasakop sa anaa sa gawas, tungod kay ginabira kini sa anaa sa sulod, kita n'yo, nga ginapalinya kini sa Pulong sa Dios; ang sa sulod nimo, ikaw mismo, ang imong pagkatawo.

Kini nga lawas usa lang ka daan na nga amerikana. Ug sa umalabot, unsa may pagabuhaton mo niini, kay ikaw anaa—anaa sa sulod lamang sa maong bisti sa hamubong panahon? Susama kana sa yutan-ong bisti; kining lawasa. Ang imong—imong tinuod nga lawas, ang tinuod mong kaugalingon, anaa sa sulod niining daan na nga amerikana nga ginatawag mong William

Branham, o Susie Jones, o kinsa man kini. Kita n'yo? Pila ka adlaw igasab-it na kini sa pasilyo sa kalibutan sa paghinumdum kanimo. Igapahimutang ninyo kini didto sa lubnganan, ug aduna'y tawong mobutang og lapida didto, "Ania gilubong si Rev. *Ingon ani-ug-ingon ana*, o si Juan *Ingon ani-ug-ingon ana*, o si *Ingon ani-ug-ingon ana*." Mapahimutang kini dinha ingon nga usa ka handumanan mahitungod kanimo. Sa *ingon ani* ka lang nakita sa mga tawo. Ug kung unsa gayud ikaw, ang tinuod nga ikaw, ang anaa sa sulod niana. Apan ang maong daan na nga amerikana, mismo, "gidala lang ang imahe sa Langitnon."

Oh, mga tawo, nagreserba na ba kamo sa pag-ilis sa maong amerikana? Nagreserba na ba kamo para sa Langit? Hinumdumi, kinahanglan nga aduna kamoy reserbasyon. Dili kamo makasulod nga wala kini.

Nagasulti ako kaninyo diha sa moderno nga pagpanulti sa karon, nga nahibaloan ninyo. Kung moadto ka sa hotel, moingon, "Bueno, aduna ako'y . . ."

¹⁰⁷ "Aduna ka na ba'y reserbasyon? Bueno, pasensya na. Puno na gayud ang tanan." Dili ka panumbaligon, tungod kay napakyas ka sa pagpareserba.

Ug kung moabot ka na sa katapusan sa imong panaw sa kinabuhi, nga wala'y mga pagpareserba, wala'y Usa didto nga motagbo kanimo. Kinahanglan kang mogawas ngadto sa mangitngit nga Eternidad kon diin aduna'y mga pagsiyagit, ug paghilaka, ug pagdanguynguy, ug ang pagkagut sa mga ngipon. Gikinahanglan mo gayud. Dili ka makasulod ngadto sa Siyudad, ikaw, tungod nga wala ka'y reserbasyon. Kinahanglan aduna ka niini, aron makasulod sa maong Siyudad, kon diin miadto na si Jesus sa pag-andam og lugar alang kanimo. Hinumdumi, gikinahanglan nga aduna ka'y mga reserbasyon, ug ang bistis sa kaluwasan, nga gisul-ob. Dili mo gayud mahimo.

¹⁰⁸ Diha sa Mateo, aduna ako'y usa ka Kasulatan dinhi. Ginatan-aw ko ang Kasulatan, ang Mateo, sa baynte- . . . 22:1 hangtud sa 14. Wala na ko'y panahon nga basahon pa kini, tungod kay nagkagabii na gayud. Taas na kaayo ang akong pagsulti, kaninyo. Apan hinumdumi, nagsugo ang hari ug nagpaandam sa usa ka panihapon. Gihaw niya ang tanan sa iyang kabakahan, ug—ug gipaandam na ang pinatambok nga mga ihawonon ug tanan na, nahandam na ang maong dakung panihapon. Ug nagsugo siya, ug gidapit niya ang kadaghanan sa pag-anha.

Miingon ang usa, "Bueno, kabalo ka, total, nahisakop man ako *niini*." "Ug nakaangkon man ako *niini*." "Kinahanglan ko man moadto sa akong umahan." Ug daghan kaayo ang gibuhat sa maong usa. Ug gipasugoan niya pag-usab, ug madauton nila silang minaltrato. Ug sa katapusan. . . Judio nga kaliwat kadto, ang ginahisgotan ni Jesus. Aduna sila'y uban pang buhaton.

Dayon, sa katapusan, nagsugo siya, “Ug pang-ingna . . . Pag-adto. Ayaw lang . . . Pangpilita sila. Lakaw ngadto sa mga dalan ug halapad nga kadalanan, ug sa bisan asa, ug pangpilita sila sa pagpanganhi.” Ug human niana, sinigurado nga ang balay niya’y . . . Pagahikayon na ang iyang pangkasal nga panihapon. Magkaaduna na’y mga dinapit didto.

Ug dayon nakita niya ang usa ka tawo sa sulod didto nga wala nakasul-ob og bisti pangkasal. Gusto niining manghawid pa sa daan na nga amerikana. Ug tan-awa kung unsay iyang giingon. “Higala, human nga gidapit ko na ikaw sa akong pangkasal nga panihapon, ug nga gidapit ko ikaw ug nga gihatagan ko ikaw og imbitasyon sa pag-ari!”

¹⁰⁹ Ug kung nakaadto na kamo sa mga nasud sa Sidlakan, kon diin nagwali na ako didto sa makadaghang higayon, kana nga panihapon pangkasal ginabuhat pa sa gihapon diha sa kung unsa gayud ang pamaagi niini kaniadto. Ang pamanhonon, nga, sa tanan, daghan siya kaayong mga dinapit nga paanhaon. Tingali, Igsoong Kopp, nakita mo na kini tingali didto sa India. Kita n’yo? Daghan siya kaayong mga dinapit nga imbitahon; pananglitan magaimbita siya og traynta ka mga dinapit.

Karon, kinahanglan nga mohatag ang pamanhonon sa maong mga bisti. Kinahanglan nga hatagan niya sila, busa aduna’y usa ka lalaki nga motindog diha sa pultahan. Ug moadto ka nga dala ang imong imbitasyon. Susihon niya ang imong imbitasyon ug sul-oban ka og bisti, usa ka kupo. Nga, dato ang uban kanila, ug ang uban kanila kabus lang, ug magkalahi ang uban kanila, apan magkapareho sila kon tan-awon sa dihang nagsul-ob na sila niining maong mga kupo. Magkapareho na sila kon tan-awon.

Ug kinahanglan nga magkapareho kamo kon tan-awon. Dili ka mamahimong, pananglitan, “Ako ang Methodist *dinhi* dapit. Ako ang Presbyterian *dinhi* dapit.” Oh, dili. Dili ka na makasulod, sa una pa lang. Kita n’yo?

Kinahanglan nga moagi ka sa maong Pultahan. Nag-ingon si Jesus, “Ako ang Pultahan sa toril sa mga carnero.”

“Pentecostal ako. Ako’y *niini*. Ako’y *niana*.” Wala kana’y ni usa ka kabilinggan.

Moagi ka pinaagi gayud nianang Pultahan. Ug kung moagi ka pinaagi nianang Pultahan, makuha mo ang kupo.

¹¹⁰ Ug kini nga tawo, sa dihang miingon siya, “Giunsa mo man pagsulod dinhi, higala?” Kita n’yo?

Nagpakita kini nga miagi siya sa uban nga agianan, ug miagi diha sa bintana, miagi sa likod, apan dili sa pultahan; dili pinaagi sa Pultahan, sa dalan nga giagianan ni Jesus, pinaagi sa kaugalingong pagsakripisyo; nga ginahatag ang tanan-tanan mo ngadto sa Dios, ug nagalakaw ngadto sa Kalbaryo ug malansang

sa krus kauban Niya. Ug mabuhi pag-usab, aron pagsul-ob sa Iyang bisti sa pagsakripisyo ug pagkamatay sa mga butang nga iya sa kalibutan.

¹¹¹ “Kung nahigugma kamo sa kalibutan, o sa mga butang nga iya sa kalibutan, ang gugma sa Dios wala gani diha kaninyo.” Kita n’yo? Kung aduna pa sa gihapon kaninyo ang paghigugma sa kalibutan, nga gustong manglihok sama sa kalibutan, ug mamuhat nga sama sa kalibutan; naninguha kang . . . ikaw . . . Bisan pa man, anaa ka sulod sa iglesia, apan usa ka amorseko diha sa maong luna kauban sa trigo; nagasinggit kauban sa tanang uban pa kanila, nagakalipay kauban sa tanang uban pa kanila. Ang tanan nang espirituhanong mga panalangin anaa mismo kanimo.

Moingon ka, “Bueno, nagapropesiya man ako.” Mao man usab si Caifas. Mao man usab kaniadto si Balaam. Wala kana’y unsa mang . . .

¹¹² “Naangkon ko ang bautismo, sa Balaang Espiritu.” Wala kana sa gihapon bisan unsa man nga kalambigitan niini. Usa lang kana ka lumalabay nga gasa para kanimo.

Ang tinuod nga gasa mao ang imong kalag sa kinasuloran dinha, kita n’yo, nga nahimugso sa Dios, ug mao kana ang nagakontrola sa tibuok butang ngadto sa Pulong sa Dios ug ngadto sa kabubut-on sa Dios. Ug dinha ka nagatubo, kita n’yo, kung ingon-ana usa ka ka anak nga lalaki ug anak nga babaye sa Dios. Usa ka ka anak sa Dios. Ug kining mga butanga, samtang nagasingabot ka na . . . Sama sa inahan, anaa ka karon sa kinasuloran sa yuta, nga nagapaninguhang makagawas. Usa ka ka anak nga lalaki sa Dios, nga patungha na, ug makita mo ang Pulong nga nagaingon, “Kinahanglan kong buhaton *kini*. Kinahanglan akong matawo pag-usab.”

“Bueno, nahisakup man ako sa iglesia.” Wala kana nagapasabot ni sa usa man ka butang. Kita n’yo?

“Methodist ako; ang akong inahan.” Maayo kana alang sa imong inahan.

¹¹³ “Bueno, ang akong, Pentecostal ako. Nahisakup ako.” Niana, kung wala ka nakalinya niana nga Pulong, aduna’y butang nga sayup. Kita n’yo? Dayon, makita mo, nga ang imong tinuod nga amahan dili ang Dios. Kita n’yo? Tungod kay, nga ang tinuod nga ginisugdan sa imong kalag, bag-o pa man nagkaaduna og espiritu, ang kalag mo na kadto. Kung kana nga kalag dili nagagikan sa Dios, nan dili kini usa ka binhi sa Dios, sa sugod pa lang. Nalimbongan ka lang. Anaa ka sa luna sa mga sagbot ug nga nagapamatuod sa kalibutanong pagpamatuod bahin sa mga sagbot nga nagatubo na. Nga nagapanglihok sama sa kalibutan, nga nahigugma sa kalibutan, maoy tungod kay ang gugma sa Dios wala diha kaninyo.

¹¹⁴ Ug karon magkaaduna og mini nga mga dinihogan sa ulahing mga adlaw, dili nga mini nga Jesus. Dili sila mouyon niana. Apan, “mini,” nga mga dinihogan. Mga dinihogan sila, oo, sir, apan mga anti-Cristo sila. Mga dinihogan sila sa Espiritu, sa pagpanghimo og mga ilhanan ug mga katingalahan nga gipangbuhat ni Cristo, apan dili molinya sa Iyang Pulong. Kita n’yo?

“Daghan ang mangduol Kanako, niadtong Adlaw, ug mag-ingon, ‘Ginoo, wala ba ako nanagna, ug nagpagula sa mga yawa, sa Imong Ngalan?’”

Moingon Siya, “Pahalayo kamo Kanako, kamo nga nagapamuhat og kadautan. Wala gani Ako makaila kaninyo.”

“Pentecostal ako kaniadto, Ginoo. Himaya sa Dios! Nakasinggit ako. Nagsulti ako’g laing mga dila. Ug gipandong ko ang akong mga kamot sa mga masakiton, ug nangaayo sila, nagpagula pa og mga yawa.”

“Pahalayo kamo Kanako, kamo nga nagapamuhat og kadautan. Wala gayud Ako makaila kaninyo.”

¹¹⁵ Nakita n’yo kung unsay akong ipasabot? Oh, gagmay’ng mga anak, nabati n’yo na ba ang maong panginahanglan sa nianang bitamina karong gabii, sa kana nga butang? Aduna’y lawas nga nagahulat didto. Aduna’y lawas nga nagahulat na aron dawaton. Mga tawo, ayaw gayud palimbong. Ayaw palimbong. Ang Yawa usa ka limbongan. Bisan ang—ang maong bisti pangkasal, kinahanglan mong isul-ob Kini. Kinahanglan gayud.

¹¹⁶ Karon ania na kita sa panahon sa kagabhion. Andam na karon matun-as ang yutan-ong lawas, ug nahiamdam na kita sa pagsulod ngadto sa Langitnon. Ug mabati na nato karon ang talagsaong pagtawag, sa Dios, aron sa pag-adto na niining dakung Eden. Ug sa dili pa kita mahimong matawo dinhi, ang atong mga lawas nanagtuwaw alang sa usa ka butang nga—nga gikinahanglan sangkapan, o kon dili mamahimo kitang mga pinaantus nga mga anak dinhi. Wala’y mga kasakitan ang Dios sa itaas didto. Sila, matag usa, hingpit gayud nga nakalinya, ang Pangasaw-onon nga eksaktong sama gayud kung unsa ang Pamanhonon, ang Pulong nga nadayag sa tukmang panahon Niini. Itugot Dios, karong gabii, sa mga kaanakan, sa kada ug matag usa kaninyo! Aduna’y pagaadtoan nga Langit. Aduna’y impyerno nga pagalikayan.

¹¹⁷ Karon, daghan kaninyo ang nasayod nga naghatag ang Ginoo kanako og mga panan-awon, linibo kadto. Ang pinakadakung butang... Gikahadlok ko sa una ang kamatayon. Mga tulo na ka tuig ang milabay, nakita na ninyo ang Christian Business Men, ang *Sa Luyo Sa Tabil Sa Panahon*. Nahunahunaan ko basin nga dili na ako mabuhi pa human niining gabhiona. Dili ko na kamo tingali makita pa gayud pag-usab sa kinabuhi ko dinhi, apan tinuod gyud kini. Ako—dili ko

kabalo kung tawgon ko kaha kini nga usa ka panan-awon, o unsa man kini.

Usa niana ka buntag, bag-ohay lang, ako'y . . . Bag-o lang ako niadto nakamata. Gikan pa ako sa mga panagtigum. Ug naghigda pa didto ang akong asawa, nga tulog. Ingon ko, "Honey, mata ka na ba?" Tulog pa siya gihapon. Kabalo ko nga kinahanglan na namong mobangon, aron ihatud na ang mga bata sa eskwelahan.

Ug gibutang ko ang akong mga kamot sa likod sa akong ulo, nga sama *nini*, ug ingon ko, "Buena, moingon, Bill Branham, kabalo ka ba nga lagpas ka na sa singkwenta? Ikaw, kung aduna ka pa'y buhaton nga butang alang sa Ginoo, mas maayo pa nga dalion mo na, kay wala ka na'y igo pa nga panahon." Hunahuna ko, "Sus, nagalaum ako unta nga mabuhi pa ako nga makita pa ang Pag-abot ni Ginoong Jesus."

Anaa kini kanunay sa akong hunahuna, nga—nga kung mamatay na kita, makita ko, sama, sa igsoong lalaki *dinhi*. Moingon ako . . . "Oo, nagwali ka kaniadto sa among simbahan, usa niana ka gabii didto sa yuta, Igsoong Branham." Apan, siya—usa siya ka espiritu, dili ako makapaglamano kaniya, tungod kay ang iyang kamot atua didto sa lubnganan, nga nadugta na, kita n'yo; ang sa ako, usab. Ingon niana ang paghunahuna ko sa una.

¹¹⁸ Apan sa niadtong buntaga, sa dihang, mibati ako nga Aduna'y milukop kanako. Ug nahunahunaan ko . . . Kasagaran, sama sa nagaabot ang panan-awon. Ug nagtan-aw ako, ug ako—milantaw ako. Hunahuna ko, "Sus! Unsa man kini?" Ug milantaw ako, usa ka dakung, berdeng mga bungtod. Ug mga batan-ong kababayen-an ang nagapaduol gikan sa tanan nang dapit, sa tag-napulo ka linibo, ug tag-ginatus ka linibo ang kadaghanon. Ug nagapaduol silang tanan, tag-as ang mga buhok nga nakabuhayhay sa ilang likod, nga mga nakasul-ob og bisti nga puti, nakatiniil, nagasinggit, nga nagahugyaw, "Ang among igsoon!"

¹¹⁹ Ako—hunahuna ko, "Hala, talagsaon kini." Milingi ako ug gilantaw. Ug atua ako nga naghigda mismo didto, ug didto pud ang akong asawa, nga naghigda didto sa higdaanan. Ug miingon ako, "Karon, kabalo ka ba? Namatay na ako." Ingon ko, "Ingon-ana, mao kana kon unsay nahitabo. Ako—namatay na ako." Ug ingon ko, "Nagkaaduna ako tingali og ataki sa kasingkasing, o unsa man. Namatay na ako. Atua na naghigda ang akong lawas." Nakahigda lang ako didto nga anaa sa likod sa akong ulo ang akong mga kamot, nga sama *niana*, ingon ka tuskig na lang. Hunahuna ko, "Wala man nagbaynte ka piye kana gikan kanako." Ug didto ako, nga nagalantaw. Hunahuna ko, "Kana'y . . . Atua man ang asawa ko didto. Didto, atua man ang tanan. Atua man ang akong kamiseta nga nakasablay

niadtong poste sa higdaanan didto.” Ug nahunahunaan ko, “Ania man ako.”

¹²⁰ Milantaw ako pag-usab sa palibot, ug paduol na kining mga kababayan-an. Ug sila’y . . . Gilantaw ko, nga gikan *niining* dapita, ug didto paduol usab ang akong kaigsoonang mga lalaki. Oh! Tinuod gayud sila. Tanan sila mora og batan-ong mga lalaki. Nanghugyaw sila, “Ang among bililhong igsoon!” Oh, dili na ako kabalo kung unsay akong hunahunaon.

¹²¹ Sa hunahuna ko, “Talagsaon gyud kini.” Milantaw ako balik, ug dili na ako usa ka tawong tigulang. Batan-on na ako. Hunahuna ko, “Usa kini ka talagsaong butang.” Hunahuna ko, “Usa kaha kini ka panan-awon?” Gipaak ko ang akong tudlo. Ug nahunahunaan ko, “Dili, dili kini ang matang sa panan-awon nga nagkaaduna na ako.”

¹²² Dayon, didto, Aduna na’y misugod sa pagsulti kanako sa itaas *dinhi*, ug miingon, “Misulod ka nga kauban ang imong katawhan.”

Hunahuna ko, “Kauban sa akong katawhan? Ang tanan ba niini mga Branham?”

¹²³ Miingon siya, “Sila’y imong mga kinabig kang Cristo.” Ug kining mga kababayan-an . . .

Kabalo na mo nga dugay na akong gipakaingon, tungod sa ila akong ginatawag nga “Madulomtanon sa babaye,” apan dili ako ingon niana. Kita n’yo? Tungod kay, nagatoo ako . . . Ako—ako—dili ko gusto ang pagka-imoral, ang pagka-mahilas. Gusto ko ang tinuod, lunsay’ng mga kaigsoonang babaye kang Cristo. Kung ingon niana, maayo.

¹²⁴ Nagkaaduna ako niadto og mga pali sa bata pa ako. Nasayod ako nga nahitabo ang mga butang nga medyo nagpaingon niana kanako. Apan kini—iya kini tanan sa Dios, nga nagabuhat, nga nagaumul kanako alang sa niining panahona. Kita n’yo?

¹²⁵ Siguro sa usa ka tinuod, lunsay nga igsoong babaye, wala na’y mas maanindot pa. Kung mahimong hatagan man sa Dios ang usa ka lalaki ug bisan unsa man nga labaw pa sa kaluwasan, Iya siyang hatagan og usa ka asawa. Kita n’yo? Ug busa, kung ingon ana, kung mahimo Niyang mohatag og unsa man nga mas maayo pa, Iya na gayud gibuhat kini. Ug dayon ang makita sila nga nangtalikod na ug dili na gani manglihok nga sama sa usa ka asawa, dili na matinuuron sa ilang mga pagpanumpa sa kaminyoon, ug mao man usab ang ilang mga bana. Hinumdumi, nahigot na kamo samtang nga buhi pa kamo, ngadto sa usa’g usa. “Ang unsa man nga ginahiusa sa Dios sa yuta, gihiusa usab sa Langit.” Kita n’yo?

¹²⁶ Ug busa dayon akong—akong nakita kana. Ug nangdagan paduol kining mga kababayan-an ug gihinangop nila ako, ug ginagakus ako, ug ginatawag ako nga, “Igsoon!” Karon,

mga babaye sila, apan dili gayud magkaaduna’y sala niadtong lugara. Kita n’yo? Mga babaye gayud sila. Apan, kita n’yo, unsa may nagporma kanato karon, usa ka babaye nga may—may glandula, pang-babayeng glandula, ug usa ka lalaki nga may pang-lalaking glandula, para kini sa pagpaanak. Dili kini mahimo didto. Mamahimong usa lang sila ka glandula, apan magapabilin lang sila diha sa porma. Ang yutan-ong imahe nga ilang gidala dinhi maatua didto, apan dili na gayud mahimo nga magkaaduna pa og sala. Pareho ra kamong tanan. Wala na’y igapanganak pa nga mga bata didto. Kita n’yo? Husto kana. Ang tanan niini mamaingon na gayud niana. Ug busa milantaw ako, ug niining mga kababayan-an.

¹²⁷ Ug gialsa nila ako. Gipaitaas ako niining mga kaigsoonang lalaki diha sa usa ka dapit. Ingon ko. “Nganong buhaton man ninyo kini?”

Miingon Siya, “Didto sa yuta usa ka ka lider.” Ug miingon—ug miingon, “Ikaw . . . Kini ang maong mga tawo.”

¹²⁸ Ug aduna’y usa ka babaye nga miduol. Miingon siya, “Among bililhong igsoon.” Pagkamaanyag kaayo nga babaye!

Pagkalabay niya, mihunong kining Tingog, miingon, “Wala ka ba nakahinumtum kaniya?”

Ingon ko, “Wala.”

Miingon, “Giagak mo siya ngadto kang Cristo sa dihang nobenta anyos na siya. Kita n’yo? Dili mo ba makita kon ngano nga moingon siyang ‘bililhong igsoon’?”

Ingon ko, “Bueno, mo—moadto ka . . .”

Miingon, “Dili. Nagahulat kami dinhi.”

Ingon ko, “Bueno, kung namatay man ako, gusto kong makita si Jesus.”

Miingon, “Dili mo pa Siya makita sa karon. Kini ang Kasulatan, nag-ingon, ‘Mga kalag nga anaa ilalum sa halaran.’ Anaa Siya sa mas itaas pa. Sa umaabot nga adlaw magabalik Siya. Mangbalik kita sa yuta. Wala na kami nagakaon ug nagainom dinhi.”

¹²⁹ Ingon ko, “Pasabot mo nga gikahadlokan ko kini? Aba, kining . . .”

Wala’y pulong nga maisulti kini, mga higala. “Pagkahingpit gayud Kini,” dili—dili makaparang niini, “pagkahalangdon.” Wala’y bokabularyo sa Ingles nga akong nahibaloan, wala’y pulong man lang, nga makapahayag gayud kung unsa kini. Lagpas pa gayud kini sa bisan unsa man nga akong nahibaloan. Mao kadto siya. Wala’y balatian, wala’y kagul-anan. Dili ka na mahimong mamatay. Dili ka na mahimong makasala. Pagkahingpit gayud kadto, pagkahingpit gayud. Mga higala, ayaw gayud, ayaw gayud sipyata kini. Hinumdumi gayud.

¹³⁰ Ug sa batan-on pa ako niadto, nakita ko ang usa ka pananawon bahin sa impiyerno, nga usa pa ka batan-on. Ug nasayod ba kamo kung ginaunsa na mga gining, sa karon, o sa mga babaye (ang gining dili mobuhat og usa ka butang nga sama niana), pangpintalan ang ilang mga mata sama sa usa ka lobo, o butang nga sama niana, kanang asul nga butang ilalum sa ilang mata. Nakita ko kana. Nagakahulog na ako niadto. Nga usa ka batan-on niadto, napusilan ako, ug naghigda na ako niadto, naghimalatyon na sa usa ka ospital. Ug nasayod na ako sa una pa nga aduna gyu'y Dios.

Mahinumduman ko ang unang pag-ampo nga sukad ko pang gisulayan sa pag-ampo. Ang bugtong butang nga masulti ko. . . Ako—wala ko pa gayud nasulti kini sa una. Nabati ko lang nga isulti ko na kini karon mismo. Napusilan ako niadto, nga naghigda na didto, naghimalatyon na didto sa usa ka lugar. Ug ang bugtong pangamuyo nga mahimo ko lang ngadto sa Dios, miingon ako, “Nahibalo Ka, Ginoo, wala gayud ako may gihimo nga pagpanapaw.” Kita n’yo? Ingon nga usa pa ka gamay, batan-on pa mga kinse ka tuig ang pangidaron, naningkamot ako nga magkinabuhi nga tarung. Ug miingon ako, “Nagkinabuhi man ako nga putli.” Ug mao lang kadto ang tanan nga mahimo kong isulti. Mao lang kadto ang kaayohan nga mahimo kong itanyag ngadto Kaniya.

¹³¹ Ug dayon nga nagahigda na didto, unya, sa human pagbiya sa doktor kanako, ug nabati ko ang akong kaugalingon nga nagakahulog ngadto sa usa ka mangitngit nga Eternidad, ug medyo ingon niana. Misinggit ako kang papa, “Oh, papa, tabangi ako.” Wala’y papa didto. “Mama, tabangi ako.” Wala’y mama didto. “Dios, tabangi ako.” Wala’y Dios didto. Kadto ang wala gayu’y katapusan, makahahadlok, oh, makalilisang nga damgo. Mas kalipayan pa ang nagakalayo, nagasilaub nga impiyerno, ingon nga mas maayo pa ikompara niana. Ug nga nagakahulog na didto, hunahuna ko, “Oh, sus!” Sa dire-diretso, nga sama *niini*. Nakaabot ako ngadto sa usa ka lugar, nga maaso, ug mangitngit, ug mangil-ad. Ug, oh, grabeng pagbati! Kamatayon na kadto nga nagapaibabaw kanako.

Makita ko kadtong mga babaye nga nagapaduol kanako, nga mora og napintalan ang ilang mga mata nga sama niana. Karon hinumdumi, kuwarentay singko na ka tuig kadto ang milabay, mga kuwarenta na ka tuig ang milabay, bisan pa man. Nagasige, nagasige sila’g, “Oooh! Oooh! Oooh!”

Ingon ko, “Mamaatua ba ako dinha sa dayon?”

“Sa dayon.”

¹³² Ingon ko, “O Dios, kung pagawason Mo lang ako dinhi, ako—ako—dili ko na gyud Ikaw igakaulaw pag-usab. Dili na gayud ako maulaw. Dios, hatagi ako’g usa ka higayon.”

Mahibaloan mo na lang, nabati ko ang akong kaugalingon nga nagakaulian na. Ug nakuyawan ang doktor, kay ang akong kasingkasing nagapitik lang og dise-siete ka beses sa kada minuto. Napahigawas ko na ang tanan kong dugo ug tanan-tanan na, naghigda na ako sa kaugalingon kong dugo. Ug unsa kaha, nga mahitabo kana sa pipila ka adlaw?

¹³³ Mga duha na ka tuig ang milabay, sa pagbalhin ko sa Tucson, kauban ko ang akong asawa didto sa J.C. Penney's. Naglingkod ako didto nga sama *niana*, ug nakadungo ang akong ulo, nga nagahulat. Kay, kabalo na mo kung unsa, sa mga babaye, dugay silang mamalit. Ug ako'y—naglingkod ako didto, nga nakadungo ang akong ulo sama *niini*. Ug nagapasaka ang usa ka escalator. Ug ania nagapasaka ang pipila ka kababayen-an, nga may waterhead nga mga alut, kabalo na mo, maingon sa ginabuhat nila, nga sama *niana*. Nagapasaka nga sa pinintalan nga mga mata sama niana. Ug nagainistoryahanay sila nga Espanyol. Ug mao na kadto. Ang tanan niini (ang maong panan-awon) nahitabo pag-usab. Kadto na ang, "Oooh! Oooh!"

¹³⁴ Igsoong lalaki, igsoong babaye, sultihan ko kamo ug usa ka butang. Daw sa kataw-anan kini sa karon, apan pagnakaadto lang kamo didto. Usa kini ka makuyaw nga butang. Ayaw gayud kamo pagpaingon nianang dalana.

¹³⁵ Ako, maingon nga usa na ka tigulang nga tawo, usa ka ministro, nagwali na ako sa tibuok kalibutan, nagkaaduna na'y minilyon nga kahigalaan, apan nasayod ako nga gikinahanglan ko nga motindog kauban ninyo didto. Pagpalayo gikan sa mga butang nga iya sa kalibutan. Ug kung aduna ma'y butang sa sulod kaninyo, nga gusto sa gihapon ninyong manglihok kung unsa kamo manglihok, kung aduna pa'y mga butang nga iya sa kalibutan sa sulod ninyo, hinumdumi, dili kamo iya sa Dios. Usa ka lang ka miyembro sa simbahan, hangtud nianang maong pagtawag; kanang kahiladman, nga nagapanawag ngadto sa Kahiladman. Kita n'yo?

¹³⁶ Sama, nga dili pa nagkaaduna og silik diha sa likod sa isda, kinahanglan nga aduna'y tubig para nga iyang languyan, una, o dili gayud siya nagkaaduna og silik.

Sa dili pa nagkaaduna og usa—usa ka kahoy sa yuta, gikinahanglan nga aduna'y yuta daan, o wala unta'y kahoy nga pagatuboan niini. Wala'y rason nga magkaaduna og kahoy, ug nga dungan kining magkaanaa.

¹³⁷ Sa dili pa nagkaaduna og usa ka binuhat, gikinahanglan nga aduna og usa ka Magbubuhat. "Bulahan ang mga gigutom ug giuhaw sa pagkamatarung." Kita n'yo? Aduna gyu'y butang sulod kanato. Gitaas ninyo ang inyong kamot wala pa madugay, "Nangandoy ako og dugang pa sa Dios." Kita n'yo? Aduna butang nga nanginahanglan gayud.

Ug kung nahigugma kamo sa kalibutan, paingon nianang direksyon, sa mga butang sa kalibutan, sa panaw sa kalibutan atua kamo, ug sa pagkahulog kauban usab kamo. Kita n'yo? Panggawas kamo. Kamo ang mga anak nga lalaki ug babaye sa usa ka Hari, sa maong Hari. Magmahiangay nga gining ug magma-ginoo. Manglakaw ingon nga mga Cristohanon. Magkinabuhi ingon nga mga Cristohanon. Maglihok ingon nga mga Cristohanon. Hinumdumi, pagatagboon ko kamo sa Hukmanan sa niining mga pagpanulti. Kita n'yo?

¹³⁸ Pagtan-aw sa inyong salamin, karong gabhiona, ug makita n'yo. “Asa man ako nga direksyon paingon? Ginaandam na kaha ni Jesus ang usa ka lugar alang kanako, usa ka lawas? Hingpit kana nga lawas. Nagalakaw nga matarung kana nga lawas. Usa kini ka anak nga lalaki ug anak nga babaye sa atubangan sa Dios. Ug anaa ako sa kasakit sa pagkahimugso *dinhi*, aron nga mapanganak ngadto niana nga lawas didto. Kung nahigugma pa ako sa gihapon sa kalibutan, nagapakita kini kanako nga (dili ako) wala ako’y lawas didto. Usa lang ako ka miyembro sa simbahan. Dili ako binhi sa Dios. Dili ako. Dili Siya ang akong Amahan.”

¹³⁹ Nag-ingon Siya, “Kung dili ninyo maantus ang pagpanton,” mao kana kung unsa ang inyong ginadawat sa karon, “kung ingon-ana mga anak kamo sa gawas, ug dili mga anak sa Dios.” Dili ba husto kana? [Nagaingon ang kongregasyon, “Husto.”—Ed.] Nagaingon ba ang Biblia niana? [“Amen.”]

Kung dili mo maantus ang pagpanton sa Dios, sa dihang makita mo nga ginapalinya ka sa Kasulatan, ug moingon ka, “Oh, dili ko gusto maminaw nianang mga Butanga. Ako’y—Cristohanon man ako. Nagabuhat ako og usa ka. . .” Bueno. Padayon ka. Kita n'yo? Usa kini ka siguradong ebidensya nga dili ikaw usa ka anak sa Dios.

Apan ang usa ka tinuod nga anak sa Dios nagakagutom ug nagakauhaw. Ngano man? Kung aduna’y anaa diha sa imong kasingkasing, nga nagasulti kanimo nga gusto mo kini, ug gikinahanglan kini didto, nagapakita kini nga aduna dinha’y butang nga nagapitik, nga nagapaninguha pagbira kanimo didto. Aduna’y usa ka lawas didto, nga *kining* usa maoy usa ka tipo dinhi. Para sa asa man nimo ginagamit kining usa, aron himayaon ang Yawa ug ang kalibutan, ug ang mga urog niimi ug ingon-ana nga mga butang? Nagalantaw ka ba ngadto sa Langit, nga aduna sa kung unsang butang didto, nga ginahimaya mo ba ang Dios pinaagi sa imong kinabuhi?

Sa balay sa akong Amahan daghang puy-anan: kon kini dili pa, moingon ba unta ako kaninyo. Ug moadto ako ug aron sa pag-andam og luna alang kaninyo.

. . . ug moanhi ako pag-usab, aron pagadawaton kamo nganhi uban kanako; aron nga diin gani ako, atua usab kamo.

¹⁴⁰ *Mga Butang Nga Umalabot.* Kining mga butanga nga sa karon, maoy mga potensyal lang, nga nagapanawag sa mga butang nga umalabot.

Mag-ampo kita.

¹⁴¹ Maghunahuna nga seryoso. Mahimo mo ba, minahal nga mga higalang Cristohanon? Seryosong hunahunaa gayud, sa makadiyut lang. Magmahilum lang kita sa makadiyut lang. Tugoting mosulti ang Balaang Espiritu.

Karon, ang Ginoong Jesus nagsugo kanako sa inyong mga taga-Pentecostal, sa dugay na. Ania ang usa sa inyong mga kalalaken-an nga nahimo na nga inyong pastor, ingon pa, “Resulta sa maong ministerio.” Nakita niya nga gipabuka ni Ginoong Jesus ang mga nabutang mata; “gipakipos,” ingon niya, “mismo ang mga ulong may tubig.” Aduna sa gihapon ko’y mga panerbisyo sa pagpang-ayo. Apan naamgo ko nga naiampo na nako ang daghan kaayong mga tawo nga masakiton kaayo. Nangayo sila. Gitubag sa Ginoo ang mga pag-ampo, ug giayo ang mga masakiton. Apan, kabalo mo, ang pila sa kadtong mga tawo, nga giayo, nangamatay na. Ug bisan unsa ka pa ka masakiton, kung giayo ka man, mamatay ka, sa gihapon.

Apan ang kana nga kalag, bililhon kong igsoong lalaki, kana nga kalag, bililhon kong igsoong babaye, dili mo ba hunahunaon ang bahin niini karon? Kana ang Wala’y Katapusan. Kung ang kana nga gugma sa Dios wala dinha, nga wala’y unsa man nga nagabira, dili mo ba hangyoon ang Dios, “O Dios, sugdi ako pag-usab, nga bag-o, karong gabhiona. Gihigugma ko Ikaw, Ginoo. Gusto ko Ikaw higugmaon. Ug aduna’y butang sa akong kasingkasing nga nagaingon kanako nga kinahanglan kong magkinabuhi nga duol pa nganha Kanimo. Gusto kong moduol, karon mismo, Ginoo, ug buhaton kana”? Kung kana nga tawo o mga tawo nga ania karon niining bilding o sa gawas niining bilding, ginahangyo ko ikaw, ingon nga alagad ni Cristo, sa Ngalan ni Jesus Cristo, mahimo mo ba gayud, nga nakaduko ang imong ulo, itaas ang imong kamot ngadto sa Dios ug isulti kini nga kinasingkasing, “Dios, ipaduol pa ako, nga mas duol pa, minahal nga Dios. Gusto kong molinya sa tanan-tanan nga aduna Ka sa Imong Pulong”? Itaas ang inyong mga kamot. Karon magminatud-on lang gayud. Hunahunaa lang.

¹⁴² Karon, moingon sila, “Oh, nabuhat ko na *kini*. Ako, nakasinggit na ako, diha sa Espiritu. Nagsulti ako sa laing mga dila. Apan, tan-awa, aduna’y butang nga kulang sa akong kinabuhi. Ginatan-aw ko ang salamin sa Pulong sa Dios, nasayod ako nga aduna gayu’y butang. Nagasimba ako, apan

dili ako mao kung unsa man ako kinahanglan.” Kita n’yo? Kana nagapakita niana, sa kung unsang butang.

Karon, kung mahimo mong tan-awon ang imong kaugalingon ug makita nga wala ka nakalinya sa Pulong sa Dios, ug wala’y bisan unsa man dinha nga magapataas kanimo sa imong kamot, kung ingon-ana mahibaloan mo nga aduna gyu’y sayup nga butang. Aduna ka gayud. Aduna’y . . . Naandan na nga ginaingon sa akong inahan, “Dili ka makakuha og dugo gikan sa usa ka singkamas, tungod kay wala’y dugo sa sulod niini.” Kita n’yo? Hunahunaa kini, nga seryoso gayud. Mahimong kini na ang katapusan mong higayon. Traynta, kuwarenta na ka mga kamot ang nakataas, sa niini nga grupo dinhi, bisan ang mga ministro.

¹⁴³ Magmatinahuron gayud sa makadiyut lang. Diretso nga hunahunaa lang gayud sa karon. “Minahal nga Dios, mahimong mamatay ako, karong gabii, diha sa usa ka aksidente. Mahimong mamatay ako sa usa ka pag-ataki sa kasingkasing. Usa sa niining mga buntaga, mahimong motawag ako’g doktor, ug moabot siya, ug ang akong pulso paluya na; Impas na ako. Ginaduot ko na ang akong aping sa mga unlan, nagapanawag, ‘O Dios! O Dios! O Dios!’” Kita n’yo? Nagapitik na kadto nga kasingkasing sa ulahing pitik niini. Paduol ka na ngadto nianang dakung Pultahan. Dili ka gayud moduol gawas kung natawo ka pag-usab sa Espiritu sa Dios. Dili ka gayud moduol gawas kung aduna’y anaa sa sulod kanimo, human nga natawo ka na sa Espiritu sa Dios, nga ginagutom ug ginauhaw sa pagpadayon sa Dios. Kinahanglan nga ingon ani kini. Kita n’yo? Usa ikaw ka anak dinhi sa yuta, sa mga kinasuloran sa yuta, nga padayon nagahulat nga matawo pasulod ngadto sa Gingharian sa Dios, kon diin miuna na Siya aron sa pag-andam sa usa ka lain nga lawas alang kaninyo, nga usa ka hingpit nga lawas.

Karon hunahunaa sa tinuod ka halawum, ug mag-ampo kita’g dungan.

¹⁴⁴ Minahal nga Dios, maingon nga nasayod akong gibutang na kini sa panid sa maong Libro, ang dakung Listahan! Nangasayup-sayup kami ngadto sa siyensya, Ginoo, igo na nga makapamata kanamo, sa mga realidad nga mahibaloan nga ang matag lihok nga among ginalihok nagatuyok-tuyok palibot sa kalibutan, sa mao rang takna nga among ginabuhat kini. Nasayran namo kana pinaagi sa telebisyon. Naamgo namo, Amahan, nga wala nagapamuhat kanang telebisyon og mga talan-awon, ginapaagi lang niini ang—ang mga bibrasyon paingon sa usa ka tubo nga mao ang nagapagawas sa maong talan-awon. Bisan sa mga bulok sa mga sinina nga among ginasul-ob, makita pinaagi sa mga ether wave sa kahanginan, ang kadto nga bibrasyon sa palibot sa kalibutan. Kung ingon-ana giunsa man sa among igsoong mga babaye nga sul-obon kadto nga mga sinina, nga manglihok sama niana, ug wala

man lang kauhaw; pinintalan pa ang mga nawong, pinutlan ang mga buhok?

Mga ministro nga moadto sa teolohiya, sa kung unsang seminaryo, “Ug pangdawaton ang mga butang nga iya sa pulong sa tawo, nga ginahimo, pinaagi sa ilang mga tradisyon, ginahimo ang mga kasugoan sa Dios nga wala’y kahulogan sa mga tawo, pinaagi sa ilang mga tradisyon,” nagaingon nga kinahanglan silang magpahisakup sa iglesia, ug kana lang.

O Dios, wala ba nila nahunahunaan nga ang matag pulong nga among ginasulti, nga gipamatud-an sa siyensya, nakalista kini? Ug nagasugod kini sa pagsugod namong mabuhi niining kalibutana. Nagatapos kini sa among pagkamatay, ug nalista kini sa album sa Dios, aron balikon diha sa Paghukom.

Unsaon man namo pagpakaikyas niini, sa silot nga iya sa Dios, kung ang maong butang naipaklaro na kaayo diha sa among atubangan ug amo Kini sa gihapon gisalikway?

O minahal nga Dios, dili gayud mamatay kini nga mga Pulong. Nagapadayon sila ug nagapadayon. Ang maong rekord igapaandar didto sa Adlaw na sa Paghukom. Imo nang nakita kadtong mga gipataas nga kamot, Amahan. Maatua kini mismo didto sa Adlaw na sa Paghukom. Usab, kung unsa man ang ginahunahuna sa ilang kasingkasing, maatua gayud sa Adlaw na sa Paghukom.

¹⁴⁵ Karon, Amahan, Dios, nagapangamuyo ako Kanimong, ingon nga Imong alagad, nagaampo ako nga Imong pagatangtangan ug tanang kadaotan palayo sa Imong mga tawo. *Kadaotan*: butang nga nasayod kami nga angay namong buhaton, ug nga wala kini ginabuhat. Nag-ingon si David, “Kung nagapalandong ako og kadaotan sa akong kasingkasing, dili tubagon sa Dios ang akong mga pag-ampo.” Nagaampo ako, Dios, nga pagatangtangan Mo ang among mga kadaotan, kay ang Pulong mao ang Imong salamin nga nagapakita kanamo kung unsa kami ka kulang ingon nga mga anak nga lalaki ug mga anak nga babaye sa Hari. Amahan, nagapangamuyo ako nga Imong buhaton kini, karong gabhiona.

¹⁴⁶ Ug himoa kana nga usa ka altar, tungod kay ang maong altar napuno na sa mga tawo. Ug himoa kana nga altar, dinha sa lingkuranan kon diin sila nanglingkod, himoa kanang ilang kasingkasing nga mao ang altar. Hinaut nga manghawa na ang pagkakalibutanon palayo sa matag igsoong lalaki, igsoong babaye dinhi. Ug hinaut nga kanang gamay’ng binhi sa Kinabuhi, ang maong binhi sa Dios nga bag-ohay lang namo gihisgotan, kanang kinaiyahan nga mikanaug gikan sa Dios, ug nahipadayag dinhi sa pagpasidungog ug paghimaya sa Dios. Dios, pahawaa ang pagkakalibutanon gikan niana.

¹⁴⁷ Ang uban, dili ko maiampo, Ginoo, tungod kay “ang sakit ngadto na sa ikamatay,” ug wala na’y unsa pa man dinha nga

mopalihok kanila. Apan sa kadtong makalihok pa, ug nasayod nga sayup kini, hinloi ang ilang mga kasingkasing ug ang ilang mga kalag, karong gabhiona, Amahan. Ug hinaut nga mapuno sila sa Imong Espiritu, nga magalakaw na diha sa Imong Kahayag.

¹⁴⁸ Panalangini kining minahal, batan-on, mahimsog, medyo kusganong pastor dinhi, Ginoo. Kining batan-on nga lalaki, nga naimpluwensiyahan, ingon niya, sa kung unsa ang iyang mga nakita nga Imong ginapamuhat. Kining buutan nga batanong lalaki, O Dios, ipadilaab ang iyang kalag. Itugot kini, Ginoo. Hinaut nga mamahimo siyang matuod nga magbalantay sa carnero, sa wala'y hunong, sa tanang panahon, aron nga mapakaon ang maong panon nga niini gihimo siyang magbalantay sa Balaang Espiritu. Itugot kini, Ginoo. Hinaut nga dili siya moliko sa tuo o sa wala man, wala'y luna alang sa kredo, wala'y bisan unsa pa man kondili nga wala'y-sagol lang nga Pulong sa Dios ang nagagawas gikan sa iyang baba, ug nga Kana lang. Panalangini siya, Dios, siya ug ang iyang mga hinigugma, ug ang iyang gamay nga iglesia dinhi. Mahiuban Ka kanilang tanan, Amahan.

¹⁴⁹ Ako kining ginatugyan Kanimo, Amahan. Nahipugas na ang Binhi. Hinaut nga mahulog Kini diha nianang binhi nga gikatagana na ngadto sa Kinabuhi, ug molambo pa sa dinaghan, malig-on nga mga Cristohanon alang niining katiguman dinhi, ug sa uban pang mga katiguman nga gigikanan nila. Itugot kini, Ginoo. Akong ginatugyan kini ngadto Kanimo, sa Ngalan ni Jesus Cristo, ang Anak sa Dios.

Ug, Amahan, “Gisamaran Siya tungod sa among mga kalapasan, napangos tungod sa among kasal-anan; ang silot sa among pakigdait diha sa ibabaw Niya; ug tungod sa Iyang mga labod kami nangaayo.”

¹⁵⁰ Nakita ko nga aduna'y nagalihok-lihok sa pultahan, sa dili pa lang dugay, usa ka kabus nga nerbiyosong babaye. Ug, O Dios, sulod sa kaugalingon niyang panimalay, daw sa usa ka dakung mga butang ang nangahimo, kung giunsa Mo pagpadayag sa Imong Kaugalingon! Nagaampo ako, Dios, alang nianang babaye. Tangtanga ang tanan nianang mga nangagi na kaniadto, sa kinabuhi, Ginoo, ug ayoha siya karong gabhiona. Mahimo Mo ba, Ginoo? Ginatugyan ko siya ngadto Kanimo.

¹⁵¹ Makita kining, gagmay'ng kaanakan nga nanglingkod dinhi, Ginoo, nga nanginahanglan sa pag-ayo, og uban pa. Nagaampo ako nga Imo silang ayohon, Amahan. Itugot kini. Hinaut nga moabot ang Imong dakung pagpang-ayo ug nga ayohon kami, ang parehong kalag ug lawas.

¹⁵² Ug karon, kaninyo karon nga ania sa simbahan dinhi, o sa gawas man, nga nanginahanglan og pag-ayo, gusto ko nga itaas ninyo ang inyong kamot, moingon, “Nanginahanglan ako

og pag-ayo, Igsoong Branham.” Mora og nanginahanglan gayud ang tanan. Sige. Inyo ba akong toohan nga usa ka alagad ni Cristo? Moingon, “Amen.” [Nagaingon ang kongregasyon, “Amen.”—Ed.] Kung ingon-ana, gusto ko nga ipandong ninyo ang inyong mga kamot ibabaw sa usa’g usa. Ipandong lang ang inyong mga kamot ibabaw sa usa’g usa. Inyong gipataas ang inyong mga kamot, kanang mga anaa sa sulod o sa gawas man, itaas ang inyong mga kamot, nga kamo’y magtotoo sa Dios.

Nag-ingon si Jesus Cristo, diha sa Iyang ulahing sugo ngadto sa Iglesia, “Panglakaw kamo sa tibuok kalibutan, ug iwali ang Maayong Balita ngadto sa tibuok kabuhatan. Ang nagatoo. . . Ang nagatoo ug nabautismohan maluwas. Ang dili nagatoo pagahukman sa silot. Ug kining mga ilhanan maganunot kanila nga nagatoo; sa Akong Ngalan pagulaon nila ang mga yawa; magasulti sila og bag-ong mga sinultihan; kung makakupot sila’g mga bitin o makainom og mga butang nga makahilo, dili kini modaut kanila; apan, ug kon ilang ipandong ang ilang mga kamot sa mga masakiton, mangaayo sila.” Karon, giingon kana ni Jesus. Hinumdumi, giingon Niya kana. Kinahanglan mamaingon gyud niana. Wala Niya unta giingon kana gawas kung aduna’y tawo nga makadawat nianang Pulong.

Sama lang sa tagoangkan ni Maria nga makadawat sa maong binhi, “Usa ka ulay ang magasamkon.” Sama sa mahimong ilalang ang kahoy’ng palma, ang usa ka kahoy’ng encina diha sa usa ka bungtod, gibuhat kini sa Iyang Pulong.

Ang Iyang Pulong mahimong dawaton sa inyong kasingkasing mismo karon. “Usa ako ka magtotoo, Ginoo. Kining lalaki o babaye nga napandongan sa akong mga kamot, nagaantus sila. Dili ako nagaampo para sa akong kaugalingon. Tungod nga, nagaampo sila para kanako. Nagaampo ako para sa maong babaye, o para sa maong lalaki. Ug, O Dios, ayoha ang maong lalaki, ayoha ang maong babaye. Ug usa ako ka magtotoo, ug nagkatigum kami sa karon. Bag-ohay lang kami gikatudloan nga kauban kami ni Cristo sa dihang naglakaw pa Siya sa yuta, kay kabahin man kami sa Iyang Pulong. Nag-antus kami uban Kaniya. Nagkadugo kami uban Kaniya. Namatay kami uban Kaniya. Gilubong kami nga uban Kaniya. Nabanhaw kami uban Kaniya, ug ania na kami karon sa Langitnong mga dapit kang Cristo Jesus. Ang gamhanang Hari nga ania dinhi sa atong taliwala, ug ako’y usa ka anak nga lalaki o usa ka anak nga babaye sa niining Hari. Ug naipandong ko ang akong mga kamot ibabaw sa usa ka anak nga lalaki o usa ka anak nga babaye sa maong Hari, nga nagaampo alang kanako, ug nagaampo ako alang kanila. Karon, Ginoo, tubaga ang akong pag-ampo, ug ayoha kini nga anak nga lalaki sa Dios o kini nga anak nga babaye sa Dios.”

Sa dungan, mag-inampoay kita karon alang sa usa’g usa.

¹⁵³ Ginoong Jesus, mapainubsanon kaming nagaduol, nagasugid sa among mga kasaypanan. Nagaduol kami, nga nagapahayag nga angay lamang kanamo ang balatian ug kamatayon, ug kagul-anan, apan ginadawat namo ang Imong halad pasig-uli alang sa among mga sala ug sa among mga balatian. Ug, karong gabhiona, kining mga anak nga lalaki ug anak nga babaye sa Dios, nga ania dinhi, napatalinghugan ang pagpangtul-id sa Pulong, ug nga ginapataas ang ilang mga kamot, ug nangandoy sa usa ka mas haduol pa nga pagkinabuhi. Nagapamandong sila karon sa mga kamot sa usa'g usa tungod kay nagatoo sila nga matuod ang Imong Pulong. Nagatoo sila nga nabanhaw na kami karon kauban ni Cristo, nga anaa na sa Langitnong mga dapit uban Kaniya. Nakapandong na ang ilang mga kamot sa usa'g usa, nagaampo sa usa alang sa usa.

Nag-ingon Ka, “Ang pag-ampo nga inubana'g pagtoo magaaayo sa masakiton, ug siya pagabangonon sa Dios; ug kon siya nakasala man, siya pagapasayloon. Ngadto sa usa'g usa magsinugiray kamo sa inyong mga sala, mag-inampoay sa usa'g usa, aron kamo mangaayo. Kay ang pagpangamuyo sa tawong matarung daku'g kahimoan inig-ampo niya.” O Dios nga Wala'y Katapusan, dungga ang pangamuyo sa Imong mga alagad.

Ug karon, nahisulat usab kini, “Kon ang katawhan, nga gihinganlan sa Akong Ngalan, maghiusang itigum ang ilang mga kaugalingon, ug mag-ampo; nan Ako magapatalinghug gikan sa Langit.” O Dios, dungga ang pag-ampo sa Imong mga kaanakan karong gabii, gikan sa Langit. Ipakanaug ang Espiritu Santo sa niining mga mananambong, sama sa usa ka nagahuros nga makusog nga hangin. Ug among ginadala kini nga mga tawo atubangan sa Dios.

¹⁵⁴ Satanas, nalupig ka na. Lupig ka na nga linalang. Gidaug ka na ni Jesus Cristo didto sa Kalbaryo. Wala ka na'y gahum. Panghulga-hulga ka lang. Ginamandoan namo ang imong kamot, karong gabhiona. Sa Ngalan ni Jesus Cristo, mogula ka niining mga tawo dinhi, kamong mga sakit ug mga balatian. Ug hinaut nga manglakaw na sila, nga gawasnon na, sa Ngalan ni Jesus Cristo, ang Anak sa Dios.

¹⁵⁵ Aleluyah! Batia ang himaya sa Dios! Batia ang inyong pag-ampo nga gitubag na. Nagatoo ka ba nga gitubag na sa Dios ang maong tawo nga anaa sa tapad nimo? Pila man ang nagatoo niini? Itaas ang inyong mga kamot [Nanggihugyaw ang kongregasyon—Ed.] Tan-awa n'yo. Oh, pagkamaanindot!

I love Him, I . . .

Samtang nga nakataas ang inyong mga kamot karon, kantaha kini ngadto Kaniya, sa tibuok ninyong kasingkasing.

Because He first loved . . .

Tinuod ba gayud kini kaninyo, nga sa tibuok gayud ninyong kasingkasing karon?

156 Pila man kaninyo ang nagbati na nga gipasaylo na sa Dios ang inyong mga kadaotan, ang mga butang nga inyong napanghimo? “Ug sugod karong gabhiona, O Cordero sa Dios, nagasaad ako nga magkinabuhi na ako nga matarung. Magakinabuhi na ako sa pagpasidungog sa maong Ngalan nga ako ginatawag, usa ka Cristohanon, kinabuhi nga sama kang Cristo. Ipataas ko ang akong mga kamot, Dios. Ginahalad ko ang akong kaugalingon pag-usab ngadto Kanimo, karong gabhiona. Magalakaw na ako sa Kahayag.” Amen.

We'll walk in the Light, beautiful Light,
Come where the dewdrops of mercy are bright;
Shine all around us, by day and by night,
Jesus, the Light of the world.

We'll walk in the Light, It's such a beautiful
Light,
It comes where the dewdrops . . .

Kon diin miuna na Siya aron sa pag-andam og lugar alang kanato.

Shine all around us, by day and by night,
Jesus, the Light of the world.

Come, all ye saints of Light proclaim,
Jesus, the Light of the world;
Truth and mercy in His Name,
Jesus, the Light of the world.

Unsa na ma'y atong buhaton kung ingon ana?

We'll walk in the Light, such a beautiful Light,
Comes where the dewdrops of mercy are bright;
Shine all around us, by day and by night,
Jesus, the Light of the world.

Oh, dili ba ninyo mabati nga bug-os nang nalimpyohan, ang pagkabati og maayo? [Nagaingon ang kongregasyon, “Amen.”—Ed.] Oh, sus! Maglamano hay kita, samtang kantahon nato pag-usab.

We'll walk in the Light, such a beautiful Light,
Comes where . . . (Panalanginan ka sa Dios,
igsoon) . . . of mercy are bright;
Shine all around us, by day and by night,
Jesus, the Light of the world.

Piyongon lang nato ang atong mga mata ug laylayon kini. [Ginasugdan na sa paglaylay ni Igsoong Branham ug sa kongregasyon ang *Jesus, The Light Of The World*—Ed.] Manglihok kita ingon nga mga anak. Mga anak kita.

Oh, it's such a beautiful Light,
 And It comes where the dewdrop of mercy are
 bright;
 Oh, shine all around us, by day and by night,
 Jesus, the Light of the world.

Dili ba ninyo Siya ginahigugma? [Nagaingon ang kongregasyon, "Amen."—Ed.]

My faith looks up to Thee,
 Thou Lamb of Calva- . . .

Piyonga lang ang inyong mga mata ug kantaha kini.
 Magsimba diha sa Espiritu.

Saviour Divine;
 Now hear me while I pray,
 Take all my sins away,
 O let me from this day
 Be wholly Thine!

While life's dark maze I tread,
 And grief around me spread,
 Oh, be Thou my Guide;
 Bid darkness turn to day,
 Wipe sorrow's fears away,
 Nor let me ever stray
 From Thee aside.

¹⁵⁷ Oh, sus! Kabalo ko nga usa gayud ako ka kinaraan nga tawo. Ang gusto ko . . . Nagatoo ako nga gidaug kana ang tanang bag-ong, pinutol-putol, pinandanggo, pang rock-and-roll nga pagsundog-sundog, sa minilyon ka milya. Sa kadtong karaan nga mga magbabalak nga misulat niadtong mga kanta, ang Balaang Espiritu ang mitandog niadtong pluma, nga misugod pagsulat. Oh, sus! Nahinumduman ko si Eddie Perronet ug silang tanan; mga bantugan! Si Fanny Crosby:

Pass me not, O gentle Saviour,
 Hear my humble cry.

¹⁵⁸ Usa niadto ka higayon gipaninguhaan nilang hayloon siya. Wala niya—wala niya gibuhad sama sa Pentecostal nga si Elvis Presley, nga gibaligya ang iyang katungod sa pagkapanganay tungod lang sa usa ka pundok sa mga Cadillac. Iyang . . . Giadtoan si Fanny Crosby ug gusto nila siya nga mosulat—mosulat og mga kanta nga pangkalibutanon. Miingon siya, "Dili ko buhaton kana, sa bisan unsa pa man."

Miingon, "Aba, buta ka man. Pagkaadto mo na sa Langit, unsaon mo man pagkahibalo?"

Milingi siya, sa inspirasyon, busa nga miingon siya;

I shall know Him, I shall know Him,
 And redeemed by His side I shall stand;
 I shall know Him, I shall know (Sa unsa?)
 By the prints of the nails in His . . .

Kon dili man, “Kung dili ko man Siya makita, matandog ko man ang Iyang kamot.”

I shall know Him, I shall know Him,
 And redeemed by His side I shall stand;
 I shall know Him, I shall know Him
 By the prints of the nails in His hand.

¹⁵⁹ Dili ba kini nagapahigugma kaninyo Kaniya? Miuna na aron sa pag-andam sa usa ka lugar alang kanato! “Ug sa kung mahiadto na Ako ug makaandam na sa usa ka lugar, mobalik ako pag-usab, aron pagadawaton kamo nganhi uban Kanako.”

¹⁶⁰ Mga gagmay'ng bata nga anaa sa pag-antus sa kasakit, sunda ninyo pag-usab ang mga kasuguan sa Dios. Ug si pastor, dinhi, kung wala pa kaninyo ang nabautismohan, pagaandamon na ang tubig. Ug—ug ang pagpamiyembro alang sa iglesia, o unsa pa man nga buot ninyong buhaton, o unsa pa man, buhata ninyo. Kung wala pa ninyo nadawat ang bautismo, sa Espiritu Santo, kini na ang gabii nga madawat ninyo Kini. Wala ba ninyo kana ginatohan? [Nagaingon ang kongregasyon, “Amen,”—Ed.]

¹⁶¹ “Oh,” moingon ka, “Igsoong Branham, ulahi na kini. Dugay ka kaayo nagwali.”

Tibuok gabii nagwali kaniadto si Pablo, sa usa ka gabii, sa mao ra niini nga Mensahe. Ug ang usa ka luoy nga . . . Usa ka batan-on nga lalaki ang nahulog gikan sa bongbong ug namatay mismo. Ug si Pablo, nga dinihogan gayud sa mao ra nga matang sa Mensahe, gihgda niya ang iyang lawas ibabaw kaniya, ug mibalik ang kinabuhi ngadto niini. Siya sa gihapon “Si Jesus Cristo nga mao sa gihapon kagahapon, karon ug hangtud sa kahangturan.”

Dili ba ninyo Siya gihigugma? [Nagaingon ang kongregasyon, “Amen.”—Ed.] Ato lang, sa makausa pa, nga nakataas ang atong mga kamot, “I love Him. I love Him.”

Asa man ang pianista? Tua siya, kung mahimo mo, igsoong babaye, kung kinsa man kini. Hatagi kami og gamay'ng tono, kung mahimo.

Pila man kaninyo ang nahigugma Kaniya? Itaas lang ang inyong kamot. Moingon, “Gihigugma ko gayud Siya. Nahigugma gayud ako Kaniya, sa—sa tibuok kong kasingkasing. Gihigugma ko Siya.”


¹⁶² Karon kantahon lang nato kini, ngadto sa kahimayaan sa Dios. Karon, nga nakapiyong ang atong mga mata, ang atong mga kamot nga nakataas ngadto sa Langit, “I love Him. I love Him.” Nagasimba gayud kita. Sa diha nga nagawali ka, ug

nagapanigbas, ug nagakuniskuni, ug nagapangbira nga sama niana, kini na ang balsamo nga ginabubo sa Dios, nga nagaayo gayud. “Aduna’y ang Balsamo sa Galaad, alang sa kalag.” Kantahon nato kini karon. Hatagi kami og tono.

I love Him, I love Him
Because He first loved me
And purchased my salvation
On Calvary’s tree.

¹⁶³ Ug kung... “Sa niini ang tanan makaila nga kamo Akong mga tinun-an, sa diha nga aduna kamo’y gugma, sa usa og usa.” Husto kana. Kung dili nato mahimong higugmaon ang usa’g usa nga makita nato, unsaon man nato mahimong higugmaon ang Dios Nga dili nato makita?

I love Him.

¹⁶⁴ [Nagapakig-estorya si Igsoong Branham sa usa ka igsoong lalaki sa entablado—Ed.] Ang Dios magapanalangin kanimo. [Nagaingon ang igsoong lalaki, “Ang maania dinhi karong gabhiona usa ka pasidungog gayud nga gikan sa Langit.”] Salamat kanimo, igsoon. [“Pagkamaanindot gayud niini.”] Karon, ang iglesia siguro, ang matag usa, napalig-on gayud. Dili ba? [“Oo. Sa tinud-anay.”] Ang Dios magapanalangin kanimo, Igsoong Boone. Ibalik ko na kanimo ang kongregasyon. Ang Dios magapanalangin kaninyo. 

MGA BUTANG NGA UMALABOT CEB65-1205
(Things That Are To Be)

Kining Mensahe ni Igsoong William Marrion Branham, una giwali sa Ingles niadtong Domingo sa gabii, Disyembre 5, 1965, didto sa First Assembly Of God sa Rialto, California, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2012 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org